

# *BAHEBERE, TEMA YA BOSELELA* <sup>2</sup>

 . . . go ithuta Lentšu la Gagwe le bohlokwa.

Ke a tsena, nakwana ya go feta, gomme ke be ke phathekgle Dibebele tše pedi. Gomme ke bile le polelonyaikišo ye nnyane le mohumagadi morago fa, gomme ke mmoditše ge eba ke rerile go tšwa go tšona bobedi, go swanetše go ba le sehlogo se sebotsana gabotse. Eupša ye ke pukutlhalošo ya Segerike, kafao feela se sengwe ke nyakago gó bala go tšwa go ye, bošegong bjo. Ke le—ke le . . . Ke lentšu bakeng sa tlhalošo ya lentšu, go tloga go Segerike sa setlogo, ka go Seiseman. Gomme e bile thušo ye ntši kudu go nna go bapa mothalong. Gomme ke no nyaka go bala se sengwe go tšwa go yona, gobane bjale re ithuta ka go Puku ye ya Bahebere, gomme bjale re no ya go ditlhalošo tša go teba ka kgontha.

<sup>219</sup> Gomme ke boditše Ngwanešu Neville, metsotso e se mekae ya go feta, “Re tla ka go karolo moo batho ba ngwayago hlogo ya bona gomme ba rile, ‘Ga ke dumele seo.’” Le a bona? Woo ke mohuta re tsenago go ona. Ke moo re e ratago.

<sup>220</sup> Modiredi yo mongwe o rile go nna, o rile, “Gabotse, ke a thanka go tla ba le bontši bja go ngwaya ga hlogo.”

<sup>221</sup> Ke rile, “Ke se re nyakago go se dira.” Le a bona?

<sup>222</sup> Beibele e ka ba feela le tlhalošo e tee. E ka se be le ditlhalošo tše pedi. Gomme ge karolo e tee ya Beibele e bolela selo se tee, gomme ye nngwe karolo ya Beibele e bolela se sengwe gape, gona se sengwe se fošagetše. Le a bona? E swanetše go bolela selo, tsela yohle go kgabola. Eupša, elelwang, go ithuteng Beibele, “E fihlilwe go mahlo a bahlale le batlhologanyo, gomme e utolotšwe go masea,” gobane ke ya Puku ya semoya.

<sup>223</sup> Gomme ga se Yona puku ya bodikela. Ke Puku ya bohlabela. Gomme go ne selo se tee feela se ka E hlathollago, gomme seo ke Moya wo Mokgethwa. Ke a tseba yo mongwe le yo mongwe wa rena o nyaka go bolela, go re, “Moya wo Mokgethwa o re botša se re se dumelago go Ona.” Gabotse, bjale, Lengwalo le lengwe le le lengwe le lokologana tlwa go swana, gona woo ke Moya wo Mokgethwa. Ge le sa lokologane, gomme le ne sekgala *fa*, le sekgala godimo *fa*, gona go ne se sengwe sa phošo ka tumelo ya rena. Gomme, oo, Ke Puku ya go kgahliša.

<sup>224</sup> Bjale, ke nyaka le dire se ge re sa ithuta. Bjale, re swanetše go tloga ka leselaphutiana mo mosong bakeng sa Wyoming, Morena a rata. Re rapedišeng.

Gomme beke ye e latelago, Ngwanešu Graham Snelling, fa . . . O gona. Ke mo kwele, feela metsotso e se mekae ya go feta, a dira tsebišo ya gagwe. Gomme kereke ye e tletše ka tirišano

le tsošeletšo ye. Gomme re rapela go Modimo, go mo fa ya go fetiša, ya go tlala, tsošeletšo ye kgolo. Ngwanešu Graham o swere tsošeletšo bakeng sa Ngwanešu... godimo fa ka Charlestown, Ngwanešu Junior Cash, gomme gó bile thwi go basokologi ba lekgolo, ke a dumela. [Yo mongwe o re, “Masomeseswai nne.”—Mor.] Basokologi ba masomeseswai nne. Kafao, go bao, re fa Modimo tumišo. Gomme re tshepa gore e tla ba le makgolo tlhano le masomeseswai nne godimo fa, ka lefelong le fa.

<sup>225</sup> Ngwanešu Graham o kopane le nna lehono, gomme o rile, “Bjale, Ngwanešu Bill, ke ne kgonthe gore o a kwešiša gore ga ke fa go thoma mošomo wo mongwe thulanong le tabarenekele, gobane ke karolo ya tabarenekele.” O no ba fa go... O ikwela ka pelong ya gagwe gore o nyaka go swara tsošeletšo, gomme Morena a mo hlahlha go e dira. Gomme—gomme o mema basokologi, gomme o ne kereke, go ba tšollela fase thwi, “Kereke legae še, ge eba o tsena, o sokologa.”

<sup>226</sup> Gomme ke mošomo wa rena, bjalo ka Bakriste, go mo thekga ka se sengwe le se sengwe re kgonago. Gomme Morena a šegofatše Ngwanešu Graham. Gomme lena le, yo mongwe le yo mongwe, le menngwe ka tlhompho kopanong ya Ngwanešu Graham godimo fa, ka tumelelo ye e tletšego go tšwa kerekeng ye, ka tirišano ye e tletšego go mo thuša ka tsela e ka ba efe re ka kgonago, bakeng sa disoulo tše di lahlegilego le bakeng sa Mmušo wa Modimo.

<sup>227</sup> Modimo a go šegofatše, Ngwanešu Graham, a go fe dikopano tše kgolo. Ga a tsebe o ya go tswalela neng. O no be a thoma. Gomme kafao, Ngwanešu Graham o bile le yona boka nnamong, *merotoga* le *metheoga* e mentši. Ke ka tsela ye bophelo bo kitimago. Go go dira o thabele *merotoga* morago ga ge o kgabotše *metheoga*. Ge monna a dira go rotha gomme a dula fale, ke lefsegä. Ke ne boitshepo ge monna a tla tsoga le go leka gape. Yeo ke nnete. Ke ne kgonthe le kgona go hlatholla se ke se rago. Bjale, le se e lebale, beke ye e tlago ye.

<sup>228</sup> Bjale, ka Pukung ya Bahebère, re ka se tšeet bokamorago bošegong bjo.

<sup>229</sup> Bjale, Lamorena la go latela, Morena a rata, Ngwanešu Neville o tla tsebiša. Ngwanešu Cox fa, goba ba bangwe ba bona, ba tla mo dira a tsebe, ge eba re tsena ka nako bakeng sa kopano ya Lamorena. O tla e tsebiša mo seyalemoyeng. Gomme rena re... Lena bohole le theetša seyalemoya sa gagwe bjale, gomme—gomme—gomme memang baagišane bohole ba lena go theeletsa. Ka kgonthe ke hwetša thabo go theeletseng go theroy bona le moopelo, khwathetē ya Neville. Ga ke bolele seo gobane o dutše fa. Ge eba ke boletše seo, gomme ke sa e ra ka pelong ya ka, ke tla ba moikaketši. Yeo ke nnete. Ke tla swanelo go sokologa. Eupša ke a e ra. Gomme bokaone ke mo fe khukhušo ye nnyane ya rosa bjale go phala mokgobo ka moka ka morago ga ge a ile.

<sup>230</sup> Nako ye nngwe ke be ke sepela ntle ga mojako fale, gomme go be go ne mohumagadi a batamela, gomme o rile, “Ngwanešu Branham, oo, ke ipshinne ka molaetša wola bjang!”

<sup>231</sup> Ke rile, “Ke a leboga.” Go ntirile ke ikwele gabotse.

<sup>232</sup> Yo mongwe gape o batametše, o rile, “Ngwanešu Branham, ke ipshina ka molaetša wola.”

<sup>233</sup> Ke rile, “Ke a leboga.”

<sup>234</sup> Go be go le moreri yo monnyane fale, go tšwa godimo fa ka karolong ya leboa la naga, ka nageng, o rile, “Šegofatša Modimo, ga ke nyake batho go ikgantša ka nna ka mokgwa wola.”

<sup>235</sup> Ke rile, “Ke a dira.” Gomme ke rile, “Go no ba phapano e tee magareng ga gago le nna. Nna ke a botega ka yona.” Yeo ke nnete. Bohle re rata go kwa mantšu a mabose ka rena. Gomme ke—ke nagana go bose go bolela mantšu a mabose ka yona. Gomme ge o nyaka yo mongwe go bolela mantšu a mabose ka wena, bolela mantšu a mabose ka yo mongwe gape. Yeo ke tsela ya go e dira, gona ka mehla o tla bolela dilo tše botse o kgonago ka yo mongwe le yo mongwe. Gomme seo se dira lebilo go tokologa bokaone.

<sup>236</sup> Bjale, ka go le, Lamorena la go latela, Morena ge a rata, ka kgopoloo ya ka, re ne, re no tsena botebong le botebong ka go diphiri tše kgolo tše tša Modimo. Re ya ka go Melekitsedeke: O be a le Mang, O tšwa kae, O ile kae, go diragetše eng ka Yena, le tšohle ka ga Melekitsedeke.

<sup>237</sup> Gomme bjale, Laboraro la go feta bošego, Ngwanešu Neville o bethile go tema ya go feleletša ya Bomodimo bjo bo phagamilego le boprista bja Morena wa rena Jesu, bjo bo thomago ka mathomong, “Modimo, dinakong tša bogologolo le ka mekgwa ya go fapana o boletše le botate ka baprofeta, moetšatsing le o boletše le rena ka Morwa wa Gagwe, Kriste Jesu.”

<sup>238</sup> Morago o ya pele, gomme o thoma go bolela le go phethena O be a le mang, go Mo theošetša go tema ya 5, mo bofelong bja tema ya 5.

<sup>239</sup> Morago mathomong a tema ya 6, re ne ye ka thutong ya rena mosong wo.

*Kagona go tlogeleng dikokwane tša thuto ya Kriste, a  
re yeng pele go phethagalo; . . .*

<sup>240</sup> Ke ba bakae ba ipshinnego ka molaetša wa phethagalo? [Phuthego e re, “Amene.”—Mor.] “A re yeng phethagalong.” Wola e bile molaetša wa rena, mosong wo, ka go tema ya 6 ya Bahebere.

<sup>241</sup> Bjale re no tla lefelong moo re thomago go hwetšwa ka—ka karolo ya kgonthe. Oo, re ka kgonaa go dumelana go dilo tše: go Bomodimo bja Kriste; le Yena go beng Morwa wa Modimo; le ka fao A bilego le Modimo, gomme Modimo o be a ne Yena; gomme O be a le ka go Modimo, le Modimo ka go Yena, le go ya pele.

Bohle re dumelana godimo ga tšeо. Eupša, bjale, go tloga fa go ya pele, ga ke tsebe re ya go dumelana bjang. Kafao e ka ba eng e lego, mašego a mangwe le a mangwe a se makae, re ya go le fa sebaka go nngwalela noute ye nnyane le go mpotša se le se naganago ka Yona.

<sup>242</sup> Morago ke tla swanela go araba dipotšišo. Gomme ge nka se di hwetše, ke tla re, “Ngwanešu Neville, o nagana eng ka seo?” Ke tla re, “Yena šoo. Anke a e arabe.” [Ngwanešu Neville o re, “Ke ge ke tla bala Segerike.”—Mor.] Gona ke ge a eya go bala pukuntšu, go hwetša Segerike. Ke a nagana ke nako go nna go dira, gape.

<sup>243</sup> Eupša, bjale, ge re ka tla tlase le go hlokofala ka kgonthe, le go tla ka kgonthe bakeng sa morero o tee, woo ke, go ithuta. Ke nyaka go ithuta, le nna. Gomme Beibele e ngwadilwe, e rile, “Ke... Mangwalo ga se a tlathollo ya motho.” Seo se ra gore Lengwalo le swanetše go hlatholla Lengwalo. Le a bona? Lengwalo le lengwe le le lengwe le swanetše go hlatholla le lengwe, tsela yohle go kgabola Beibele, go e dira selo se tee se segolo. Gobane, Modimo ga a kgone go fetoga, gobane Yena ke Modimo mosefetoge.

<sup>244</sup> Bjale, “Go tlogeleng . . .”

*Kagona go tlogeleng dikokwane tša thuto ya Kriste, a  
re yeng pele go phethagalo; . . .*

<sup>245</sup> Ke rata Paulo a bolela dilo tšela. Paulo ga se nke a ba motho yoo a ratilego go dula botelele kudu ka lefelong le letee. O ratile go ya pele, go teba. Nako ye nngwe, ka Lengwalong, o rile, “Nna, go lebaleng dilo tše di fetilego, ke gatelela go ya mmarakeng wa pitšo ya godimo.” Le a bona? O tšwelapele a gatelela pele.

<sup>246</sup> Fa o rile:

Bjale go lebaleng *dikokwane tša thuto ya Kriste* (O be a le mang, se A bilego), a re yeng go *phethagalo*; . . .

<sup>247</sup> Bjale rena, sa pele, re nyaka go hwetša, “A re ka *phethagala*?” Gomme re hweditše, ka Mangwalong mosong wo, Mateo 5:28, gore Jesu o boletše gore “re swanetše go ba ba ba phethagetšego boka Modimo a bile,” goba re ka se tsene.

<sup>248</sup> Morago re hweditše gore re be re le, yo mongwe le yo mongwe, “re tswaletšwe sebeng, re kgoloketšwe bokgopong, ra tla lefaseng re bolela maaka.” Gomme go be go se selo se tee sa go kwagala ka ga rena, kafao re ka tsoge ra phethagatšwa bjang?

<sup>249</sup> Bjale sese se re se hwetšago gona, godimo, go baleng, go tšeа Lengwalo le Lengwalo, gore, “Jesu, ka sehlabelo se tee, o phethagaditše, go ya go ile, Kereke ya Gagwe.” O... Rena gona re phethagetše, ka Kriste. Gomme re lokologile go tloga kahlolong, ka Kriste. Re ka se tsoge ra hwa, ka Kriste. Re lahlegetšwe ke lehu gomme re hweditše Bophelo, ka Kriste; e sego ka kereke e ka ba efe, e sego ka kerekèleina e ka ba efe, e sego ka maipshino

e ka ba efe, e sego ka maleme e ka ba afe, e sego ka go goelela, e sego ka go šikinya, e sego ka go bina Moyeng, eupša ka mogau.

<sup>250</sup> Modimo o bitša yo A ratago. Gomme yohle ke ka kgetho, re a hwetša. Re hwetša, gore, “Ga se yena yo a nyakago go phološwa. Ga se yena a ratago goba yoo a kitimago; ke Modimo yoo a bontšhago kgaogelo.” “Gomme ga go motho a kgonago go tla go Jesu ntle le ge Modimo a mo goga, pele.” Kafao ke eng o swanetšego go e dira le yona, golebjalo? Ga o ne selo go dira le yona. O ka ntle ga seswantšho, gohlegohle.

<sup>251</sup> Re hweditše gore motho ga a ke a nyaka Modimo. Ke Modimo a nyakago motho. Gomme re hweditše, gona, gore Modimo ke mothopo o nnoši wa Bophelo bjo Bosafelelego. Re hweditše gore se sengwe le se sengwe seo se lego Kagosafelelego ga se ne mathomo goba bofelo. Kagona, re hwetša gore hele e bile le mathomo, gomme e swanetše go ba le bofelo. Gomme go ne feela... Ga a gona a ka bolelago gore hele ke ya go go ile; go ya go ile, ee, go ya go ile, eupša e sego Kagosafelelego.

<sup>252</sup> *Go ya go ile* ke “sekgala sa nako.” Beibele e re, “Go ya go ile le go ya go ile.” Gomme o a e lebelela le go hwetša ge *go ya go ile* go sa re “sekgala sa nako.” Jona o rile o be a le ka mpeng ya hlapikgolo “go ya go ile.” Le Mangwalo a mangwe a mantši, *go ya go ile* go ra “sekgala sa nako.”

<sup>253</sup> Eupša, *Kagosafelelego*, yeo ke “*go ya go ile*”; yeo ke go ya ile le go ya go ile le go ya go ile le go ya go ile. Ke *Kagosafelelego*. Gomme re hwetša gore hele ga e *Kagosafelelego*, eupša go ya go ile. Gomme lebaka, le swanetše go šetša mantšu ale, bjale. Ge le sa dire, le a hlakahlakana. Bjale, elelwang, ke feela dilo tšela di se nago mathomo, di se nago bofelo. Kagona, Jesu o rile, “Yo a kwago Mantšu a Ka gomme a dumela Yena yoo a Nthomilego, o ne Bophelo,” go ya go ile? A yeo e kwagala gabotse? Aowa. “O ne Bophelo bjo Bosafelelego.” Gomme lentšu *Kagosafelelego* ke “Modimo.” Lentšu, šele lona thwi fa ka go pukuntšu ya Segerike: *Zoe*, “Bophelo bja Modimo” ka go lena. Gomme o no ba *Kagosafelelego* boka Modimo a le *Kagosafelelego*, gobane o ne Modimo ka go wena.

<sup>254</sup> Tlhago ya gago ya kgale e hwile, tlhago ya lefase, gomme o ba sebopša se seswa. Gomme ditlhologelo tša gago, bophelo bjola bja kgale bo bile le mathomo ge Modimo a hemetše mohemo ka dinkong tša gago, ge o be o tswalwa, bophelo bjola bja tlhago ya senama bo hwile. Gomme bo bile le mathomo gomme bo bile le bofelo, gomme bo hwile gomme bo fedisitšwe go ya go ile, tlhago ya kgale. Gomme Modimo o tsena ka Tlhago ye mpsha. Gona, lerato, thabo, khutšo, pelofalo, boleta, khutšo, kgotlelelo, le bonolo, le botho, tšona di tsene; gomme di tšere legato la mona, le pelwapelwana, le lehloyo, le—le kganyogo, tshele, le dilo tšohle tšela. Go tšere legato la lona, ge o fetile go tloga lehung yo ya

Bophelong. Le a e hwetša, kgauswi ka kgonthé, bjale? [Phuthego e re, "Amene."—Mor.]

<sup>255</sup> Kafao, theetšang. Go na le sebopego se setee sa Bophelo bjo Bosafelego. Bo hwetšeng. Ke gore, Modimo a nnoši o ne Bophelo bjo Bosafelego. Beibele e boletše bjalo. Modimo a nnoši o ne Bophelo bjo Bosafelego. Gomme ge eba motho o ya go tlaišega ka heleng, go ya go ile, o swanetše go ba le Modimo, Kagosafelego. Eupša ke bolela gore go . . .

<sup>256</sup> Bjale, elelwang, ga ke re ga go na hele ye e tukago. Go ne hele ye e tukago, mollo le tshebela. "Moo se—se seboko se . . . mollo ga o tingwe le seboko ga se tsoge sa hwa," ya mollo le tshebela, kotlo. E ka no tsea lebaka la bilione ya mengwaga. Eupša e swanetše go ba le bofelo, gobane hele e hloletšwe diabolo le barongwa ba gagwe. Gomme se sengwe le se sengwe seo yena Modimo, Yenamong, a bego a le mathomong, se sengwe le se sengwe se tšwa go Modimo. Ge ona Moya . . .

<sup>257</sup> Nno tšeang *Moya* wa lerato, woo e bego e le mothopo wa Modimo, wa go seka, wa go se otswafatšwe. Go tšwa go woo, go tsena lerato le le *fapošitšwego*. Morago le tla ka go lerato la *setho*. Morago le tla ka go lerato la *thobalano*. Morago le tla ka go marato a mangwe, marato le marato, le go no fela le fapoga go theoga go fihla le eba feela *tšhila*. Eupša dilo tšela tšohle di bile le mathomo. Gomme letšatsi le lengwe di tla boela thwi ka go otloga go la setlogo; ke Kagosafelego; moo kganyogo, lerato la setho, lerato la maikutlo, marato ale ohle a tla swanela go emišwa.

<sup>258</sup> Tšohle ditumelo tša maitirišo tše tša Tumelo di tla swanela go emišwa. Go ne Tumelo e tee ya therešo. Tšohle tše dingwe di tla swanela go emišwa. A fapošitšwe go tšwa go mothopo wo wa kgonthé.

<sup>259</sup> Kafao, kagona, hele, mohlako, mohlako ga se wa Kagosafelego. Mohlako o tlišitšwe ka lebaka la sebe, gomme sebe se tsentšhitše mohlako. Gomme ge sebe se fedišwe, mohlako o tla swanela go fela, le ona. Gomme go tla ba le nako moo badiradibe, bao ba sa nkago ba amogela Kriste, morago ga ge ba otliwe mohlomongwe lebaka la bilione tše lekgolo tša mengwaga, . . . Ga ke tsebe, mohlomongwe mengwaga ye bilione tše milione tše lesome la makgolo. Ga ke kgone go bolela. Eupša go tla swanela go tla bofelong, nako ye nngwe, gobane ga se Kagosafelego.

<sup>260</sup> Bjale, re ya go gatelela pele bjale, go yeng phethagalong. Bjale theetšang, ge re tsena ka Molaetšeng.

. . . e sego go beeng gape motheo wa tshokologo go tloga go mediro ya go hwa, le go tloga go tumelo go Modimo,

Ya thuto ya dikolobetšo, . . . go beeng ga diatla, . . . tsogo ya bahu, le . . . kahlolo ya kagosafelego.

<sup>261</sup> Bjale theetšang. Re ne tše pedi . . . Re ne seswantšho fa, bjale. Bjale thwi fa ke moo re yago go hwetša go se dumelane go itšego go gogolo. Bjale le swanetše go bona moo seswantšho se lego. Paulo o a leka, fa, go aroganya *molao* go tšwa go *mogau*. Re ne diswantšho tše pedi: se tee, sa nama; se tee, sa semoya. Gomme Paulo o leka go—go aroga magareng ga bobedi, go bontšha Bajuda. Lengwalo le ke go Bahebere. Gomme Bahebere yohle e leka go bontšha phethene ya Testamente ya Kgale e kaya ye Mpsha. Kafao, le ne diswantšho tše pedi fa go šetšwa.

<sup>262</sup> Bjale theetšang sekgauswi ge re bala. Bjale o rile:

*... go tlogeleng dikokwane tša thuto ya Kriste, a re  
yeng go phethagalo; . . .*

<sup>263</sup> Bjale, re hweditše sela mosong wo, gore ka fao re phethagatšwago. Go phethagatšwa, ntle le sepatso le bošaedi le gannyane, go se sebe se tee go rena. A le ka godimo ga moleko? Le gatee. A le dira sebe letšatši le lengwe le le lengwe? Ee, mohlomphegi. Eupša, golebjalo, re phethagaditšwe gobane re ka go Yena. Gomme Modimo a ka se kgone go re ahlola go fetiša selo (ka se be go loka), Yena šetše a re ahlotše ka go Yena. Ge a be A ahlola Kriste: O nkahlotše, O le ahlotše. Gomme A ka se kgone go nkahlola gape, gobane O tšere kahlolo ya ka ge eba ke lopolotšwe.

<sup>264</sup> Gomme ke ne thekethe go bontšha gore ke lopolotše sešupanako sa ka go tšwa lebenkeleng la dihlagaletšwa, anke yo mongwe a leke go e iša morago go lebenkele la dihlagaletšwa gatee, mola ke swere thekethe. Ke e lopolotše.

Gomme ge eba diabolo a ka leka go bea kotlo go nna, ke swere thekethe yeo e bontšago ke lopolotšwe. Ee, mohlomphegi. Ga go sa na kahlolo! “Yoo a kwago Mantšu a Ka, gomme a dumela go Yena yoo a Nthomilego, o ne Bophelo bjo Bosafelego, gomme a ka se tle kahlolong, eupša o fetile go tšwa lehung go ya Bophelong.” Yeo ke thekethe ya ka. O file tshepišo.

<sup>265</sup> Bjale, bjale seswantšho, fa.

*... e sego go bea gape metheo ya tshokologo go tloga  
go mediro ya go hwa, le . . . tumelo go Modimo,*

*... thuto ya kolobetšo, . . . go beeng ga diatla, . . . tsogo  
ya bahu, . . . kahlolo ya kagosafelego.*

<sup>266</sup> Bjale, elelwang. A le lemogile lentšu lela le dirišitšwe gape? Re le dirišitše mosong wo, “kahlolo ya Kagosafelego.” Ge Modimo a bolela, Ke Kagosafelego. Go ka se fetoge, nthatana. Kafao, kahlolo ke ya Kagosafelego, ke kahlolo ka mehla. Gomme ga go kgathale ke moloko ofe re phelago ka go ona, moloko o tee o tla phela, le molao o tee o tla phela, gomme ke neng le neng, goba lebaka la nako e ka ba efe, le *ye* le *yela*. Eupša kahlolo ya Modimo e sa le Kagosafelego, O swanetše go, gobane O boletše Lentšu. Ge

Modimo a bolela Lentšu, Le swanetše go ba Kagosafelego. Yeo ke nnete.

<sup>267</sup> Bjale anke ke le balele leo go tšwa go Segerike. Theetšang ka fao e balegago.

*Kagona go tlogeleng—go tlogeleng dikokwane tša thuto ya Kriste, Yena motlotšwa, re swanetše go kgorometša—kgorometša go ya . . .*

Bjale, ga ke kgone go e bala. E galogile. “Gomme e sego go beeng gape sebopego . . .” Ke renab a.

*. . . e sego go beeng gape sebopego sa kaonafatšo go tšwa medirong e hlolago lehu.*

<sup>268</sup> Bjale, pukuntsu ye ga se tlhathollo le gannyane, le gatee. E no ba lentšu la Segerike legatong la se Seisemane se se bolelago. Gomme e rile, “Bjale ga re nyake . . .” Theetšang fa, le a bona.

*. . . e sego go beeng gape sebopego sa kaonafatšo go tšwa medirong e hlolago lehu.*

<sup>269</sup> Bjale ge le ka hwetša seo ka monaganong wa lena, gore o a bolela fa, gore, “Dibopego tša kaonafatšo e hlolago lehu.” Paulo o rile, “Go tlogeleng dikokwane, eyang phethagalong, e sego go beeng gape motheo wa tshokologo go tšwa medirong ya go hwa le wa tumelo go Modimo: dithuto tša kolobetšo, go beeng ga seatla, tsogo ya bahu, kahlolo ya Kagosafelego.” “Dibopego tša kaonafatšo e hlolago lehu,” e be e le mantšu a maleba. Seo ka nnete ke se Paulo a se ngwadilego. Le bona se a lekago go se dira?

<sup>270</sup> Bjale, dilo tšohle tše, boka dikolobetšo: o tee o kolobetšwa kasamorago, yo motee kasapele, yo motee leineng la Tate, Morwa le Moya wo Mokgethwa, o tee leineng la Jesu, yo motee ka tsela *ye*, le ka tsela *yela*, le dilo tšohle tše go fapano tša dikolobetšo.

<sup>271</sup> Le go beeng ga diatla: “Modimo a šegofatšwe, ke ne mpho ya go bea diatla. Haleluya! Wena, o ka E hwetša ka tsela *ye*. Haleluya!”

<sup>272</sup> Go beeleng tšohle tša tše thoko, gobane tše ke mediro ye e hwilego, dikaonafatšo tše, go kaonafatša. Le a bona? O bolela ka legoro le lengwe. Bjale o rile, “A re yeng kgole le tše, gomme re yeng pele phethagalong.” Le a E hwetša? [Phuthego e re, “Amene.”—Mor.]

<sup>273</sup> Gomme kereke e sa ebela morago go dilo tsela. Ke seo ba bego ba leka go se dira. Kereke ya peleng ya Bahebere e be e leka go re, “Gabotse, ke kolobeditšwe ka go inelwa, gomme—gomme ke hweditše *se*, le *se*, le dilo tšohle *tše*.”

<sup>274</sup> O rile, “Bjale, beelang tše tšohle thoko, e tlogeleng morago.” Eupša, bjale, a o rile re se ke ra e dira? Bjale theetšang se a se boletšego ka seo.

*Gomme re tla dira se, . . . Modimo a dumelela.*

<sup>275</sup> Gomme ya setlogo e boletše selo sa go swana.

*Se re tla se dira, ge Modimo a ka re dumelela,* le a bona.

*Se re tla se dira, ge Modimo a ka re dumelela.*

<sup>276</sup> Dikolobetšo, go beeng ga diatla, le dilo, eupša tšeō ga se tša phethagala. Tšeō e no ba kaonafatšo ya senama. Gomme ke moo dikereke di tlogelago, lehono, ke go kaonafatšo yela ya senama. O tee wa bona o rile, “Oo, gabotse, meetse, lentšu kolobetšo le ra se gomme le ra seo.”

<sup>277</sup> Gomme ba hloma mekgatlo: gomme o tee o a fokela, yo mongwe o a tšhela, yo mongwe o kolobetša sefahlego ka sapele, yo mongwe ka sakamorago, le dilo tšeō tšohle; ba bangwe ba bona go beeng diatla go balwetši, gomme ba bangwe ba ba dira baapostola, le ba bangwe ba ba dira baprofeta le go ya pele, ka go beeng diatla; le go rera tsogo go tšwa bahung, gomme go lokilego; le Bomodimo bjo bo phagamego bja Kriste, bjoo bo lokile. “Eupša,” o rile, “dilo tšohle tše ke dikonaafatšo tše fomale. Re no be re kaonafatša. Bjale anke re yeng pele phethagalang.” A le hwetša seswantšho? [Phuthego e re, “Amene.”—Mor.]

<sup>278</sup> Bjale šetšang. Šefa moo karolo ya go teba e tlago bjale.

*Gobane ga go kgonege go bale ba ba kilego  
ba bonegetšwa, gomme ba latswitšego mpho ya  
legodimo, gomme ba dirilwe batšeakarolo ba Moya  
wo Mokgethwa,*

*Gomme ba latswitše go bose bja lentšu la Modimo, . . .  
ma maatla a lefase le le tlago,*

*Ge ba ka wa, go ba mpshafaletša gape tshokologong;  
go boneng gore ba ipapoletše bonabeng Morwa wa  
Modimo gape, le go mmea kgobogong ya phatlalatša.*

<sup>279</sup> Bjale, ke a tseba se lena bamolao le nago sona ka monaganong wa lena gonabjale, eupša le phošitše. Le a bona? Go lokile. Ke ema go se, gomme Beibele e a se tiišetša, gore, “Ge Modimo a ka tsoge a pholosítše motho, o pholosítšwe go nako le Bokagosafelego.” Le ka se E dire e bolele se sengwe gape.

<sup>280</sup> Yo mongwe wa bamatheo o tla go nna, e se kgale kudu, gomme o rile, “Ke go hwediteš go e tee, Moreri Branham. Ke go hweeditše e tee. O rile, ‘Ge motho a pholosítšwe, a ka se tsoge a lahlega?’”

<sup>281</sup> Ke rile, “Ke seo Modimo a se boletšeego.”

<sup>282</sup> O rile, “Ke nyaka go go botšisa se sengwe. Saulo o be a le moprofeta, gomme o profetile. Gomme o a tseba o be a le motlotšwa wa Modimo. Beibele e rile o be a le. Gomme o ipolaile, gomme o lahlegile.”

<sup>283</sup> Ke rile, “A o bile?” Ke rile, “Beibele e kwagatša o be a ‘pholosítšwe.’ Ka morago ga ge a bile lenaba go Modimo, o be a sa pholosítšwe. Beibele e rile o be a le. Gomme morago ga

tšohle, ga se a ipolaya. Mofilisita o mmolaile, gomme Dafida o bolaile Mofilisita bakeng sa go mmolaya. O ile a wela go tšoša ya gagwe, lerumo la gagwe, tšoša, eupša, o dirile. Ga se ya mmolaya. Gomme Mofilisita o mmolaile. Gomme morago ge Saulo a ile tlase go senoge, gomme o biditše moyā wa Samuele, gobane o be a se a tsena Letagong, o be a le paradeising ka tlase ga tšollo ya madi a dipoo le dipudi ao a sa kgonago go tloša sebe. Eupša o be a swanetše go ba le lefelo la go letela, le biditšwego paradeisi, go fihlela a tsene ka gare.”

<sup>284</sup> Ke moo lena batho ba Katoliki le hlakahlakanego gona. Le a bona? Bjale, ga go sa na paradeisi bjale. Re ya ka go otologa ka Bogeneng bja Modimo.

<sup>285</sup> Gomme ge senoge sa Endoro se biditše moyā wa Samuele, šole o eme. Gomme o wele ka sefahlego sa gagwe, gomme o rile, “Gobaneng o mphorile?”

<sup>286</sup> Gomme Saulo o be a se a ema fala feela . . . Ke ra Samuele, ka dikobo tša gagwe tša moprofeta, o be a sa le moprofeta. O rile, “Gobaneng o mpiditše go tšwa khutšong ya ka,” o rile, “go boneng gore o fetogile lenaba go Modimo?”

<sup>287</sup> O rile, “Gabotse, Urim ga e sa bolela le nna gape. Moprefeta a ka se sa mprofetela gape. Esita ga ke kgone go ba le toro.”

<sup>288</sup> “Gabotse,” Samuele o rile, “o fetogile lenaba go Modimo. Eupša gosasa ntwa e ya ka lehlakoreng le lengwe, gomme o tla hwa gosasa. Gomme ka nako ye, gosasa bošego, o tla ba le nna.” Ge eba Saulo o lahlegile, go bjalo le Samuele, ba be bobedi ba le mmogo. Ka nnete. Beibele e boletše bjalo.

<sup>289</sup> Bjale, o ka no thanthelwa ka maikutlo, ka go boleleng ka maleme, go golelala, go thuhlula, go šikinya, go kitima godimo le tlase ga mokgoba. Ga go selo kgahlanong le seo. Eupša o ka itiriša wenamong go dumela gore o phološitše mola o se, ga se o phološwe. Bophelo bja gago bo tla netefatša se o lego. Jesu o rile bo tla dira, “Le tla ba tseba ka dikenya tša bona.” Bophelo bja gago bo netefatša ge eba o phološitše goba aowa, ge o sa nka wa bula molomo wa gago. Bo tla netefatša se o lego.

<sup>290</sup> Eupša go itiriša gohle go le maikutlo le go tšoena kerekē, “Gomme ke kolobeditše Leineng la Jesu, haleluya, ke a tseba ke O hweditše,” seo ga se re selo.

<sup>291</sup> “Ke kolobeditše, ka Leina la Tate, Morwa, Moya wo Mokgethwa, sefahlego ka sapele, makga a mararo. Ke O hweditše.” Seo ga se re selo.

<sup>292</sup> Paulo o rile, “A re yeng phethagalong bjale.” Re bolela ka go phethagatšwa. Gomme ge re ka kitimišetša se tlase, gomme le tla hwetša, ba ba phethagaditšwego ke Bakgethiwa. Ke tla e netefatša go lena, mo metsotsong e se mekae, ka Beibele. Ke Bakgethiwa ba Modimo, pele ga motheo wa lefase, o bone yo mongwe le yo mongwe wa bona. Gomme O rometše Jesu go

lopolla batho bao, e sego lefase ka moka. O nyakile go, eupša O be a swanetše go dira tsela bakeng sa bale. Gomme tsela e nnoši A kgonnego go e dira, e be e le go romela Kriste; gore A ke a tle, seloba sa dibe tša rena, gore bale ba bego ba kgethilwe, A kgone go ba tliša go Yena, ka Letagong.

<sup>293</sup> A le ka eleletša Modimo a sepetsa ofisi ya Gagwe go hlepha bjalo, bjalo ka go re, “Gabotse, mohlomongwe yo mongwe o tla nagana maswabi ka Nna ka kgonthe, mohlomongwe ba tla tla gomme ba phološwa”? Modimo ga se a swanelo go go kgopela go dira selo. Go kgopela e ka ba gofe, o hloka go dira go kgopela, e sego Modimo.

<sup>294</sup> Gomme gona, Kriste o hwile go phološa bale ba Modimo, ka tsebelopele, a ba kgethilego go Yena mošola ntle le sepatso goba lešošo. Pela ga motheo wa lefase, O go bone ka Letagong. Ke seo Beibele e se boletšego, Baefeso, tema ya 1. Tema ya 5, temana 1. Modimo o kgethetšepele ka tsebelopele.

<sup>295</sup> Bjale, ge Modimo a dirile seo, a re kgethetšepele pele ga motheo wa lefase; gomme a tsebile yo mongwe le yo mongwe wa rena ka leina, pele ga motheo wa lefase; gomme a re Kgethile go ya go Bophelo bjo Bosafelego; gomme a rometše Jesu Kriste go re lopolla; seo, mengwaga ye dikete tše tshela ya go feta, O re bone, gore re ke re bonagale go ditumišo tša Gagwe ka Letagong! O ka tsoge wa lahlega bjang?

<sup>296</sup> Bjale, ge o phološitšwe, o phološitšwe. Ge Modimo a go phološa bošegong bjo, a tseba O ya go go loba mengwaga ye lesome go tloga lehono, O fanya morero wa Gagwe Mong; tlhokamagomo, Ramaatlakamoka, wa Gosafelego, bohlale bja neng le neng, Modimo, ga a tsebe go lekanelo gona go tseba ge eba o tla swarelala goba o ka se ke. Gona, ge A go phološa, gomme a re, “Gabotse, ke tla mo fa teko, gomme ke bone se a tla go se dira,” gona ga A tsebe bofelo go tloga mathomong. Modimo o tseba se A se dirago, o se tsoge wa tshwenyega ka seo. Ke wena o thekeselago gohle. Modimo o tseba se A se dirago. Gomme O tsebile re... ge eba re tla swarelala, goba ke eng re tla e dirago.

<sup>297</sup> Bjale, Beibele e boletše gore, Esau le Jakobo, pele e ka ba ofe ngwana tswalwa, Modimo o rile, “Ke rata o tee, gomme ke hloile yo mongwe,” pele ebile ba ka hema mohemo wa bona wa mathomo, gore kgetho ya Gagwe e ke e eme go rereša.

<sup>298</sup> Abraham o be a le mang? Re tla tla go yena mo metsotsong e se mekae, tlase fa. O be a le mang, gore Modimo a mmitše? O mo phološitše ntle le selo. Modimo o dira kgwerano le motho; motho o roba kgwerano ya gagwe. Eupša Modimo o dirile Kgwerano ye le Yenamong, gomme o enne go yona, go Yenamong. Motho ga a ne go dira selo le yona. Ke tsebelopele ya Modimo mong. O e dirile, golebjalo.

<sup>299</sup> Bjale, o re, “Gabotse, Ngwanešu Branham, gona ge ke eba Mokriste, nka no dira e ka ba eng ke e ratago?” Ka nnete. Ge

eba o le Mokriste, dira e ka ba eng o e nyakago. Gomme ke tla go tiišeletša, o ka se be le kganyogo efe go dira phošo. O dira e ka ba eng. Ka mehla ke dirile feela se ke se nyakilego. Gomme ge eba ke hlankela Morena gobane ke boifa ke ya heleng, ga ke Mo hlankele ka tshwanelo. Ge eba ke phela go rereša go mosadimogatša wa ka gobane ke boifa o tla ntłhala, ga ke monnamogatša wa go loka kudu. Eupša nka se mo gobaletše lefeela, gobane ke a mo rata.

<sup>300</sup> Ke ka fao go lego le Kriste, ge monna a tswalwa ke Moya wa Modimo. E sego gobane o goeeditše, o boletše ka maleme, goba maikutlo a itšegeo; eupša ka pelong ya gagwe, lerato le a tsena gomme le tsea legato la lefase. Ke le botša, o a Mo rata. O sepela hleng le Yena, letšatši le lengwe le le lengwe. Ga wa swanela go mmotša, “Ke phošo go dira *se*, goba *seo*, goba *se sengwe*.” O a tseba ke phošo. Gomme, o a sepela, ke setšweletšwa se se beilwego sa mogau wa go ikema wa Modimo. Tlwa.

*Gobane ga go kgonege go bale bao ba kilego  
ba bonegelwa, . . . ba dirwa batšeakarolo ba ya . . .  
legodimong pitšo . . .*

Bjale, dinako tše dingwe re dumetše gore yola e be e le motho yo a kilego a bonegelwa gomme a wa gape, eupša Beibele ga e e bale ka tsela yeo. “Ka nneta ga go kgonege go motho,” o a bolela fa, “yoo a amogetšego Moya wo Mokgethwa, go tsoge a wa.” Bjale e baleng gomme le hwetšeng ge eba yeo ga se nnete. Setšang fa, tšeang setsopolwa, setsopolwa ka moka, le diteng, boithekgo, a ke re.

<sup>301</sup> Bjale o thoma go bolela ka ga, ke eng? “A re yeng phethagalang.” Bjale, o rile, “E sego ya senama, go beeng motheo fa wa ditumelo tša kolobetšo le dikaonafatšo, le go ya pele. A re se direng seo. A re yeng phethagalang.” Hlogo ke *phethagalo*, gomme phethagalo e tla ka Kriste. Gomme re tsene bjang ka go Kriste? Ka go tšoena kereke? “Ka Moya o motee bohole re kolobeletšwa ka Mmeleng o tee.” E sego ka: o tee, go tsena ka go bolela ka leleme; o tee, go tsena ka go šikinya seatla; o tee, go tsena ka go kolobetšwa ka meetse. “Eupša ka Moya o tee re kolobeleditšwe ka Mmeleng o tee.” Le a e hwetša? Yeo ke phethagalo.

<sup>302</sup> Gomme ge o etla ka go Yeo, o ka go Kriste, gomme lefase le hwile go wena. Gomme o sepela le Kwana tšatši ka tšatši, gomme dikgato tša gago di beilwe ke Modimo, o dire eng. Oo, diteko le meleko ye re e kgabolago! O re, “A o ne meleko?” Ee, mohlomphegi. Ke eng . . .

<sup>303</sup> Mogau ke se Modimo a ntiretšego, mediro ke se ke se direlago Modimo. Bjale, ba tla dira thuto go tšwa go yona, ba nagana gore mediro ke se se thopago mabokgoni a gago. Ge eba e le, ga se mpho ya mahala. Mogau ke se Modimo a go diretšego, “O pholosítšwe ka mogau.” Gomme mediro ke se o se dirago go lebogeng ga mogau woo A go bontšhitšego. Gomme ge eba o Mo

rata, o rata go dira mediro ya Morena. Ka nnete, gobane, gona, o—o a Mo rata.

<sup>304</sup> Go amogeleng Meda Broy, bjalo ka mosadimogatša wa ka, ke se lerato le mo diretšego. Se a se dirago, go lebogeng: ke yena mosadi wa go loka, o dula gae, o hlokomela bana, gomme o phela bophelo bja go rereša bjo bobotse. Seo ga se ka gobane ga se re nyalane; re nyalane. Eupša o dira seo go lebogeng. Ge eba a kitimela tlase toropong, tšatši le lengwe le le lengwe, gomme a tšere lebenkele le lengwe le le lengwe la disente tše lesome, le godimo le tlase mekgotheng, gomme a se tsoge a hlatswa dibjana, goba e ka ba eng gape, re sa nyalane. Ka nnete. Ge ke tšere keno ya ka, seo se a e ruma. Ke yena mosadimogatša wa ka. Ge feela go sa ne bophelo ka go rena, ke yena mosadimogatša wa ka. Yeo ke keno ya gagwe. Eupša ke eng tebogo a e direlago seo: o dula gae, gomme o hlokomela bana, gomme o leka go ba mosadimogatša wa kgontha.

<sup>305</sup> Nka kitimela ntla ke ba ke ile nako yohle, ke no ranka gohle nageng, gomme ka mmolaiša tlala, goba e ka ba eng, ka lesa bana ba eya ntla le se sengwe go ja; re sa nyalane. Le ge ebile a ntlhla, ke sa nyetše, ge feela go sa ne bophelo ka mmeleng wa ka. Ke tšere keno yela, “Go fihlela lehu le re aroganya.” Yeo ke nnete. Re sa nyalane. Eupša, golebjalo, ke dira monnamogatša wa go šokiša wa maitshwarelelo. O tla dira wa maitshwarelelo a go šokiša bjalo ka mosadimogatša. Kafao ge re ratana seng sa rena, re šika mmogo le go goga morwalo, mmogo.

<sup>306</sup> Ke ka tsela yeo Modimo le Kereke ya Gagwe ba lego. Ge o tswetšwe ka mmušong wa Modimo, o tla ba le *merotoga* le *metheoga* ya gago, therešo, eupša o sa le Mokriste, o sa tswetšwe ke Moya wa Modimo. Modimo a ka swanelwa ke go go tloša lefaseng ka pela.

...ke go se kgonagale go bale bao ba kilego  
ba bonegetšwa, gomme ba latswitše...mpho ya  
legodimo,...

...go tsoge ba wele, go mpshafatša bonabeng gape go  
tshokologo;...

<sup>307</sup> Bjale, ke a tseba moo le naganago ka yona, kereke. Anke ke le tšee gatee feela thathana gannyane, gore le—le lehlakore la bamolao ka kgontha le tswalelelwé ka ntla. A re yeng godimo go Bahebere, tema ya 10, gomme re lebelele go se lebaka le lennyane nthathhana.

<sup>308</sup> Tema ya 10, temana ya 26.

*Gobane ge re dira sebe ka boomo morago ga ge...re  
amogetše tsebo ya therešo, ga go sa na gape sehlabelo  
go sebe,*

*Eupša go lebelela mo go boifišago...ga ka kahlolo le  
kgalefo ye e fišago, yeo e tla metšago lenaba.*

*Yo a bego a telela molao wa Moshe o be a ehwa ntle le mogau ka tlase ga dihlatsa tše pedi goba tše tharo.*

*Go bontši gakaakang gape kotlo e gaketšego, le ge go tšelwa... le ge go swanela,... gatakela... yo a gataketšego ka tlase ga leoto Morwa wa Modimo, gomme a tšeetše madi a kgwerano, ao ka ona a hlwekišitšwego, selo sa lefeela, gomme... a dira lenyatšo go mediro ya mogau?*

<sup>309</sup> Bjale o re, “Go reng ka seo, Ngwanešu Branham? Seo se lebega bjang?”

Bjale, feela go bala, ke a nagana, “Lengwalo ga le bolele *seo*.” Seo ga se bolele ka Mokriste. Seo ke go bolela ka motho yoo a kwelego Lentšu gomme a Le furalela. Le a bona?

*Gobane ge re dira sebe... (Sebe ke eng? Gosedumele.)... ge re sa dumele ka boomo morago ga ge ebangedi e rerilwe go rena, ga go sa na sehlabelo bakeng sa sebe,*

<sup>310</sup> Sebe ke eng? Gosedumele. Balang Mokgethwa Johane, tema ya 4. Jesu o rile, “Yoo a sa dumelogo šetše a ahlotšwe.” Sebe ga se go kgoga, go nwa, go dira bootswa. O dira tšeobane o mosedumele. Tšeobane e no ba ditholwana. O dira tšeobane o mosedumele. Go no tlogela go kgoga, go tlogela go nwa, le go ya pele ka mokgwa woo, tšeobane ga di re o—o Mokriste. Tšeobane e no ba ditholwana tša tshokologo ya gago. Eupša, o ka—o ka dira lehlakore e ka ba lefe, gomme wa no se be.

<sup>311</sup> Bjale hlokamelang.

...yoo a sa dumelogo *ka boomo morago ga ge a...*

<sup>312</sup> E sego—e sego, “Morago ga ge a amogetše Kriste ka pelong ya gagwe.” Beibele ga e bolele seo. E rile, “Yena yoo...”

... *ge re dira sebe ka boomo, go se dumele ka boomo, morago ga ge... re amogetše tsebo ya therešo,...*

Le a hwetsa? E be e sa bolele ka Mokriste, le gatee.

<sup>313</sup> Mosadi tsoko o tla go nna, e se kgale kudu, gomme o rile, “Ngwanešu Branham, ke nna Mokriste, eupša ke rogakile Moya wo Mokgethwa.”

<sup>314</sup> Ke rile, “Ga go kgonege.” Mokriste a ka se kgone go rogaka Moya wo Mokgethwa. O ka se kgone go e dira. Moya wa Mokriste o bea bohlatse le Moya wa Kriste. Le a bona? Gomme o tla bitša, se sengwe le se sengwe sa Modimo, “sa Modimo.”

<sup>315</sup> Eupša ge o ne monagano wa senama, o tla dira metlae le go sega Moya wo Mokgethwa; ga ke kgathale o ya kerekeng gantši gakaakang, o sa le modiradibe, gomme o rogaka Moya wo Mokgethwa. Ge ba bone Jesu a hlatha dikgopololo tša bona, ba rile O be a le “mmolelelamahlatse.”

<sup>316</sup> Jesu o rile, “Lena le . . . Ke tla le swarela bakeng sa seo, eupša ge Moya wo Mokgethwa o tlide, le bolela lentšu le tee kgahlanong le Ona, le ka se tsoge la swarelwa.”

Gobane, ba rile, “O ne moya wa ditšila,” ba bitša Moya wa Modimo, “selo sa ditšila.”

Mokriste ga a kgone go dira seo. Mokriste ka mehla o tla bitša Moya wa Modimo, “Toko.” Le a bona? Mokriste a ka se kgone go rogaka Moya wo Mokgethwa. Ke wa ka ntle yoo a rogakago.

<sup>317</sup> Bale e be e se Bakriste ba emego fale. E be e le batho ba bodumedi, e be e le Bajuda ba orthodox, dingaka tša bokgethwa, le go ya pele, gomme ba be ba dira metlae ka Yena le mediro ya Gagwe, ba bitša mediro ya Modimo, gore, “E be e le moya wa ditšila o e dirago.”

<sup>318</sup> Gomme ke ba bakae le naganago lehono ba rogaka Moya wo Mokgethwa, ba nago le D.D.D., Ph.D. leineng la bona? Ke ba bakae ba bagolo, Orthodox ba go thatafa, Makatoliki, Maprotestant, ba sepelago mokgotheng gomme ba dira metlae ka tiro ya Moya wo Mokgethwa, feela boka dirutegi tša go natha, le go radia boka konopi? Nnete. Eupša ba dira metlae ka Moya wo Mokgethwa, gomme kagona ba O rogaka.

Eupša Mokriste yo a tswetšwego gape ga a kgone go dira seo. O tla re, “Yola ke ngwanešu. Wola ke Moya wa Modimo yo a phelago.” Yeo ke nnete. Mokriste ga a kgone go rogaka Moya wo Mokgethwa.

<sup>319</sup> Ke modiradibe yoo a rogakago Moya wo Mokgethwa; mosedumele, *modiradibe*, “mosedumele.” Go ne selo tše pedi feela: e ka ba o modumedi, goba mosedumele.

<sup>320</sup> Bjale, šetšang fa, go dira se go tatagana ka kgonthe bjale. Ke bile le pono yeo e dutšego e ntlhobaetsa. Mengwaga ya go feta ke be ke fela ke lebelela seo. Ke rile, “Oo, ge motho a kile a amogela Moya wo Mokgethwa gona, gomme morago a kgeloga, o tla lahlega go ya go ile.” Ga se ke kgone go hwetša ye nngwe ye go dira go kwagala le seo.

<sup>321</sup> Ke rile, “Gona gobaneng e le gore Beibele e boletše, gore, ‘Yo a kwago Mantšu a Ka gomme a dumela Yena yoo a Nthomilego o ne Bophelo bjo Bosafelego, Bosafelego, gomme a ka se tle kahlolong, eupša o fetile go tšwa lehung go ya Bophelong. Bohle Tate a Mphilego ba tla tla go Nna, gomme ga a gona wa bona a lahlegago, Ke tla mo tsoša matšatsing a mafelelo. Ga go motho a ka go ba utla go tloga seatleng sa Ka?’ Seo se nyalelana bjang le se? Ke no se kgone go e kwešiša. ‘Ga go kgonege go bale ba ba kilego ba bonegelwa.’” Ke naganne, “go ne se sengwe sa phošo. Ke no se kgone go e hwetša.”

Gomme ke ile kopanong ye nnyane ya Pentecostal, mengwaga ya go feta.

<sup>322</sup> Ga a gona a šetšego ka kerekeng, ke a thanka, bošegong bjo, yoo a gopolago. Mengwaga ya go feta, se se bile sebile feela ka nako ye tabarenekele e agiwa. Ntle le, e tla ba Ngwanešu Graham morago fale, goba yo mongwe. Ga ke tsebe, o be o le gona pele, goba aowa, banešu. Ngwanešu Mahoney, ke a nagana, o be a le. Ya. Feela pele ke nyala.

<sup>323</sup> Mpho yela e šoma, ke be ke boifa. Ba mpoditše e be e le ya diabolo. Ga se ke tsebe go fihla Morongwa wa Morena a mpoditše.

<sup>324</sup> Ke ile Mishawaka, gomme ke dutše ka kopanong yela, gomme ga se nke ka tsoge ke kwele go goeletša go gontši bjalo le go lla le go tumiša Modimo. Ke naganne, “Ngwanešu, le ke Legodimong.” Gomme, oo, ka fao ba bego ba eya godimo le tlase.

<sup>325</sup> Be ba swanetše go ba le yona ka Leboa, ka lebaka ka kgetheloganyo. Makhalate le bašweu ba be ba le mmogo. P.A. of W. le P.A. of J.C. ka kgontha di be di momagane gomme di fetogile United Pentecostal. Eupša a tsošeletšo ba bego ba ne yona, fale tabarenekeleng ya Ngwanešu Rowe ka Mishawaka. Gomme nna, moisa yo monnyane wa go nyaka tsebo, ke dutše fale setulong sa morago, ke be ke bogetše yohle ye. Ke be ke sa nka ka tsoge ka bona dilo tše pele.

<sup>326</sup> Go be go le monna a dutše fa... Ga se nke ka tsoge ke se boletše phatlatalatša pele. Go be go ne monna a dutše ka lehlakoreng le tee, le monna ka lehlakoreng le lengwe, gomme o tee o boletše ka maleme, gomme yo mongwe o e hlathollotše. Gomme ba be ba tla bolela dilo tša go fapana di bego di eya go direga. Morago, o mo tee *yo* o bolela ka maleme, gomme *yola* yo mongwe a hlatholla. Ke naganne, “Nna, a seo ga se kgahliše!” Ke naganne, “A go tagafala! Bona ba swanetše go ba Barongwa, ba theoga ka sebopego sa batho.”

<sup>327</sup> Gabotse, ke bile feela le tolara le disente tše masomešupa tlhano, go tla gae ka yona, gomme ke—ke—ke no kgonne go hwetša tanka ya makhura. Ke robetše tšhemong ya mahea bošegong bjoo. Ke ne karolo ya yona ka pukung, eupša e sego yohle ya yona, gobane ga se ke nyake go gobatša maikutlo a bona. Gomme kafao, bošegong bjoo, ba rile, “Bohle bareri etlang sefaleng.” Ke be ke le sefaleng. Ke be ke le moreri yo monyenyan go feta fale nako yeo.

<sup>328</sup> Kafao, mosong wa go latela, ba nkgopetše go tla ke rera. Ke iphihlile. Le a tseba, monna wa lekhalate o rile, “Yena šo.” Le elelwa kanegelo ya yona, ge a ntshenotše ke dutše fale.

<sup>329</sup> Gomme kafao morago ga go bolela letšatšing leo, ke sepela gohle, ke naganne “Ge feela nka kgona go hwetša banna bale ba babedi.” Ba etilepele kopano. O tee o tla phagama gomme a fetoga bošweu sefahlegong; o tla bolela ka leleme. Gomme yo mongwe o tla le hlatholla, le go fa mantšu, “O RIALO MORENA, ‘Go ne motho o rilegorilego fa, ka leina la gorelegore, yoo a

swanetšego go dira se le *sagorelesagore*.” Ngwanešu, e be e le therešo. Gomme yo mongwe yola o tla phagama le go bolela ka maleme, gomme o tla hlatholla.

<sup>330</sup> Ke naganne, “Oo, nna, a se ga se kgahliše!” Kafao, letšatšing leo, ke naganne, ke ile ntle gomme ke rapetše. Ke naganne, “Morena, Wena ntirele sela gape.” Ga se ke tsebe ke se bitše eng, dipono.

<sup>331</sup> Ke tšwetše ntle gomme ke rapetše, gomme ke kgopetše Morena go nthuša. Ke ile go dikologa moago, gomme ke diregile go gahlana le yo mongwe wa bona. Bjale, Morena o mpha tsela ya go tseba dilo. Ke šikintše seatla sa gagwe. Ke ile ka re, “Go bjang?”

O rile, “Go bjang? Leina la gago o mang?”

Gomme ke rile, “Branham.”

“Oo,” o rile, “ke wena moisa yola a rerilego mosong wo.”

Ke rile, “Ee, mohlomphegi.”

<sup>332</sup> Ge ke sa ne poledišano le yena, ke swere moya wa gagwe. Gomme o be a le Mokriste wa mmapale, feela Mokriste wa go sekä, ngwanešu. Ke ra, o be a le modumedi. Ke naganne, “Oo, a se ga se kgahliše!”

<sup>333</sup> Gomme e ka ba iri go tloga nako yeo, ntle fale kgauswi le koloi, a bego a lebeletše go koloi ye kgolo bogolo, e bile le “Jesus Feela” go ngwadilwe ka morago ga yona, gomme go emeng ntle fale go eme monna yo mongwe. Gomme ke tšwetše ntle gomme ke rile, “Go bjang, mohlomphegi?”

<sup>334</sup> O rile, “Go bjang?” O rile, “Ke wena Ngwanešu Branham, yola a boletšego mosong wo.”

<sup>335</sup> Ke rile, “Ee, mohlomphegi. Ke nna.” Ke rile, “E re, ke ipshina ka tšona mpho tše kgolo tša Modimo tše di šomago ka go lena baena ba babedi.”

<sup>336</sup> O rile, “Ke a leboga, Mna. Branham.” Gomme ke thoma go ikwela moya wa gagwe. Pono e tlide. Ge eba nkile ka bolela le moikaketši, šole yo mongwe wa bona. Mosadimogatša wa gagwe ke mosadi wa hlogontsho. O be a dula le mosadi wa hlogokhubetšwana, o bile le bana ba babedi ka yena. O be a sa Mokriste bontši go feta selo ka lefaseng.

<sup>337</sup> Morago ke rile, “Ke tsene ka go eng? Ke naganne ke be ke le ka go Barongwa, gomme bjale ke swanetše go ba ka go matimone. Se sengwe se diregile. Fa go be go le o tee, Mokriste wa mmapale; gomme Moya wa go swana o wela go monna *yo*, o be o wela go monna *yo*.” Ke rile, “Bjale ke hlakahlakane gohle.” Ke be ke sa tsebe gore ke dire eng. Ke llile le go kgopela, go Morena. Ke be ke sa tsebe ke amogele eng.

<sup>338</sup> Ba be ba le hleng le go ntliša go . . . Mpotšišitše ge eba ke ile ka “amogela Moya wo Mokgethwa?” mothaka yo o dirile. Gomme ke rile, “Aowa, mohlomphegi, e sego ka tsela ye le nago le ona.”

O rile, “O kile wa bolela ka maleme?”

Ke rile, “Aowa, mohlomphegi.”

O rile, “Gona ga o ne Ona.”

<sup>339</sup> Kafao ke rile, “Ka kgongaloo o nepile, ngwanešu wa ka. Mohlomongwe ga ka, gobane ga ke ne se le nago sona.” Gomme morago ga se, ke be ke thakgetše ga se ka.

<sup>340</sup> Kafao morago ke šeditše seo, gomme ke bone ka tsela ye seo se bego se sepela.

<sup>341</sup> Kafao, letšatši le lengwe, ke be ke le ntle fa ke rapela, kgale kudu. Ke tla le botša gobaneng, ke mang ke bego ke mo rapediša, e be e le Roy Davis. Gomme ke be ke le ntle fa ke rapela, gobane o be a mpiditše “popi,” gomme ke be ke rapela go Modimo go mo swarela bakeng sa yona. Gomme o bile le kuranta morago fale, o ngwadile lephephe. Gomme kuranta yela e swere mollo gomme ya swa lore, mašego a mmalwa morago ga seo, ge ba be ba e sepetša.

<sup>342</sup> Gomme kafao ke be ke eme morago fale ka mphomeng wa kgale ka morago ga Tšilo ya Green. Ke sepeletše ntle fale. Gomme ke be ke rapela, ke be ke bile morago fale, matšatši a mabedi. Ke beile Beibele ya ka fase koteng ya kgale, moo, ke bontšitše Ngwanešu Wood, e se kgale kudu, ke beile Beibele ya ka fase. Ke dutše go haralela kota. Gomme phefo e fokile. Ke naganne, “Ke bile botelele kudu, morago ka mphomeng wola, ke tla no bala gannyane.” Kafao ke tšere Beibele gomme ka thoma go bala, gomme ye ke tema ye e bego e le go yona. Gabotse, ke thoma go bala, gomme ke thoma go makala nako yeo. Le a bona?

*Gobane ga go kgonege go bale ba ba kilego ba bonegetšwa, . . . dirwa batšeakarolo ba o Mokgethwa Moya,*

*. . . latswitše lentšu le lebose la Modimo, le . . . lefase le le tlago,*

*Ge ba ka wa, go mpshafatša bonabeng . . . go tshokologo; go boneng gore ba ipapoletše bonabeng Morwa wa Modimo ka boswa, le go mmea dihlong tša phatlatalatša.*

<sup>343</sup> Ke naganne, “Lengwalo lela šele.” Eupša se sengwe se lekeletše le nna. Morago ka thoma go nagana, “Šefa moo a boletšego morago fa, mo mathomong, ‘E sego go beeng motheo wa go hwa wa tshokologo, kua mathomong. E sego go bea motheo wa tshokologo,’ gomme fa o re, ‘Go mpshafatša bonabeng morago go tshokologo. Eupša a re yeng phethagalang, go beeng dilo tše ka morago.’” Gona ka thoma go bala. Gona ke badile temana ya go latela.

*Gobane lefase le le nwago pula yeo e tlagō gantsi go lona, gomme la tliša dibjalo tše di swanetšego bona bao ba le lemilego, le amogela ditšhegofatšo go tšwa go Modimo:*

*Eupša le le medišago meetlwa le tshehlo le gannwe, gomme le kgauswi le thogako; le pheletšo ya lona e lego go tšhungwa.*

<sup>344</sup> Gomme ge ke badile seo, Sengwe se no ntšhikinya. Gomme ke naganne, “Morena, seo ga se amane le Roy Davis. Gobaneng O ka dira seo?”

<sup>345</sup> Ke thomile, ka phetla letlakala le lengwe. Ke ile ka swanelia go ya morago go Yona, gape, “Ga go kgonege go bale ba ba kilego ba bonegelwa,” ka ya go E kgabola gape.

<sup>346</sup> Morago ke naganne, “Morena, ke eng ye? O ra go reng, Morena?”

<sup>347</sup> Gomme ke phetile gomme ke ile morago ka leweng la ka, go rapela godimo ga Yona. Gomme ge ke dirile, ke bone lefase le phethoga. Gomme lohle le be le lenngwe, gabotse ka kgontha, lefase ka moka. Gomme ke bone monna ka bošweu, a eya tikologong, o be a swere mokotlana ka seatleng sa gagwe. O be a bjala dipeu ge a be a eya tikologong. O ile go dikologa dikhutlo tša lefase. Gomme ka pela ge a fihla tikologong, mothaka šo o a tla a apere diaparo tše dintsho ka kgontha, moisa wa go bogega mahlajana, a nyonyobela ka mokgwa *wo*, a lebelela. Gomme o be a swere peu. Gomme o be a foša se sengwe ka morago ga yona, ge a be a eya go dikologa lefase; a šeditše yo mongwe le yo mongwe le go foša. Ke eme le go bogela pono.

<sup>348</sup> Ka morago ga ge a sepetše, lefase le phethogile gohle, gomme go bile le se segolo, semela se segolo, gomme e be e le sa korong. Gomme go be go ne ngwang, mekgomarelakgapana le dilo ka go korong.

<sup>349</sup> Go tla komelelo. Gomme, oo, ka fao korong yela ye nnyane e lekeleditšego hlogo ya yona, gomme e be e nyoretšwe meetse. Mokgomarelakgapana wo monnyane o bile le hlogo ya wona e lekeletše, gomme o be o nyoretšwe meetse. Yo mongwe le yo mongwe o be a rapelela pula. Gomme morago ga nakwana, go ttile leru le legolo gomme la no nošetša lefase ka moka. Gomme mokgomarelakgapana wo monnyane o tabogetše godimo, wa thoma go goeletša, “Letago go Modimo! Haleluya! Tumišang Morena!”

<sup>350</sup> Gomme korong ye nnyane, e tabogetše godimo, ya thoma go goeleta, “Letago go Modimo! Tumišang Morena!”

<sup>351</sup> Gomme nako yeo Lengwalo le tla go nna, le le hwetšwago ka go Puku ya Mateo, tema ya 5 gomme temana ya 45. Gomme theetšang se Jesu a se boletšego, ka go Mateo 5:45. Gomme

theetšang sekgauswi bjale ge re bala. Mateo, tema ya 5 gomme temana ya 45, temana ya 46; ya 44, go thoma.

*Eupsa Ke re go lena, Ratang manaba a lena,  
segofatšang ba ba le rogago, gomme dirang go loka go ba  
ba le hloilego, gomme le ba rapediše bao ba le šomišago  
ka go le nyatša, le go le hlomara;*

*Gore le ke...le bitša...le ke le be bana ba Tateweno  
yo a lego legodimong: gobane o dira letsatši la gagwe  
go hlabela...ba babe le...ba go loka, gomme o romela  
pula go baloki le...ba babe.*

<sup>352</sup> Kafao, le a bona, pula ya go swana yeo e dirago korong go gola, e dira mokgomarelakgapana go gola. Gomme, kagona, ke hweditše seswantšho. Moipoledi wa lena wa senama šoo, yoo a lego thwi ka kerekeng. Eupsa dikenywa tša gagwe... A ka no goelela, a taboga, a bina, a bolela ka maleme; eupša dikenywa tša gagwe: ke yena mokgomarelakgapana. Gomme go ne yo mongwe, yoo a nago le Moya wa go swana. Moya wo Mokgethwa o kgona go rothela thwi ka go sehlopha sa batho, gomme moikaketši a ka goeletša, ka Moya wo Mokgethwa, feela go swana le ge mokgomarelakgapana o kgona go phela ka pula yeo e rometswego. Ke seo Paulo a bolelago ka sona fa. Eupsa ga go kgonege go mokgomarelakgapana go ba korong, goba korong go ba mokgomarelakgapana. Le a e hwetša? [Phuthego e re, "Amene."—Mor.]

*Gobane ga go kgonege go bale ba ba kilego ba  
bonegetšwa, gomme...ba tšeregokarolo ya mpho ya  
Moya wo Mokgethwa,*

Gomme...latswitše lentšu le lebose la Modimo, le maatla a lefase le le tlago,

...go wa, go mpshafatša bonabeng gape...

Theetšang se a se boletšego.

...gobane pula...e tla gantši go lefase, go le nošetša le go le medisa fa, le go le lokišetša;

*Eupsa...tše e lego meetlwa le tshehlo di kgauswi le  
go lahlwa;...*

Bjale, kagona go tlogeleng mebušo le dithuto tša Kriste, a re yeng...go phethagalo; e sego go bea gape motheo wa tshokologo le mediro ya go hwa...go Modimo, le tumelo, le go ya pele,

...le dithuto tša dikolobetšo,...go beeng godimo ga diatla, le dilo;...

<sup>353</sup> Le a bona, modumedi wa senama, morago matšatšing ale, feela boka go le lehono, o rata go re, "Gabotse, ke nna wa kereke. Ke—ke tla godimo, ke dirile boipolelo. Ke

kolobeditšwe.” Le a bona, ba bea dikaonafatšo tšela tša senama. Gomme e dira eng? E tšweletša mekgomarelakgapana.

<sup>354</sup> Phethagalo e dira eng? Ke korong. Korong ke Lentšu la Modimo. O le šomiša bjalo ka Lentšu la Gagwe. Ke Peu ya Gagwe. E a tšweletša.

<sup>355</sup> Go ya ka ke peu efe e bjetšwego ka pelong ya gago. Ge o etla kerekeng feela gobane o boifa hele, ge o tšoena kereke gobane ga o nyake—ga o ga o nyake go ya heleng, o sa le mokgomarelakgapana. Ge o—ge o tšoena kereke feela go tsebalega, o sa le mokgomarelakgapana. Ge o dirile dilo tšohle tše fomale tše tše di swanetšego go dirwa, gomme ke tšohle o nago, o sa le mokgomarelakgapana.

<sup>356</sup> Eupša wa kgonthé, Mokriste wa mmapale o gatelela go ya pethagalang go fihlela lefase le hwile gomme o ba sebopša se seswa ka go Kriste Jesu. Gona, ga go kgonege go motho yola go tsoge a wa. Se Beibele e se boletšego! Le bona ka fao seo se bapelago le Lengwalo ka moka? Le bona ka fao E e beago thwi ka fale go lefelo la yona?

<sup>357</sup> Go kgonega bjang E re fa, “Motho yoo a kilego a phološwa a ka se tsoge a lahlega” gomme ya tla godimo fa gomme ya re, “Eupša, ge o lahlega, goba o rogaka, ga go kgonege”? Kgonthé, ge o le morogaki, ga o Mokriste.

<sup>358</sup> “Ga go motho, a bolelago ka Moya wa Modimo, a bitšago Jesu morogakwa.” Mokgethwa Johane 4 . . . goba Johane wa Pele 4. Ga go motho a bolelago ka Moya wa Kriste, a bitšago Kriste “morogakwa.” Moya wo mongwe le wo mongwe, wa Modimo, woo o lego ka Kerekeng ya Sekriste, o dumelana le se sengwe le se sengwe Modimo a se boletšego.

<sup>359</sup> Re bala fa, le go re, “O gobaditšwe bakeng sa dikarogo tša rena. Ka megogoma ya Gagwe re fodisitšwe.”

<sup>360</sup> Monagano wa kgale wa senama o re, “Matšatši a mehlolo a fetile. Ke nna *Ngak. Jones.*” Le a bona? “Ga go selo se sebjalo bjalo ka phodišo Kgethwa. Ga go selo se sebjalo bjalo ka bodumedi bja go ikwela pelong. Le no ba sehlopha sa baitiriši. Le ne maikutlo. Le a bona, seo ke sohle se lego go yona. Ga go selo go yona. Re Mapresbyterian. Re Malutheran,” goba e ka ba eng e lego. “Re tseba moo re emego.”

<sup>361</sup> Eupša Moya wa Modimo o reng? Jesu Kriste, wa go swana fa! “Amene,” go bolela Moya wa Modimo. O dumela ka pele le Lentšu. Ee, mohlomphegi. E thwi fale. Le bona se ke se rago bjale?

<sup>362</sup> “Dikaonafatšo tše tša senama di šoma lehu,” Paulo o boletše.

<sup>363</sup> Eupša moo Bophelo bo tlago, phethagalo ye, “Yoo a kwago Mantšu a Ka, a dumela go Yena yoo a Nthomilego, o ne Bophelo bja gosafelego, gomme a ka se tsoge a tla kahlolong, eupša o fetile lehung go ya Bophelong. Ke tla mo fa Bophelo bjo bosafelego, ka

mo tsoša mo matšatšing a mafelelo. Bohle Tate a Mphilego ba tla tla go Nna, gomme ga a gona wa bona a lahlegago.” Go ka se kgone go ba.

<sup>364</sup> Kafao, sese se e se dirago—se e se dirago. Batho ba nagana gore seo se dira batho go hlephiša. Ngwanešu, ga o hlankele Modimo ka tlase ga telelo ya sephente. Modimo ga se yo mongwe wa mathaka a ka sefepi sa nogantscho, a le gapagapa. Ke Yena Tate. Ke Yena Lerato. Modimo ke Lerato. Gomme Beibele e rile, ka go Mokgethwa Johane, “Yo a ratago ke wa Modimo.”

<sup>365</sup> O rata Modimo. Nka se be, ge eba ke ile ntle le—le go tagwa bošegong bjo. Ga sa nke ka nwa, bophelong bja ka. Eupsa ge nka ya ntle gomme ka tagwa, nka se boife go hwetsa go hwiphinywa. Leo ga se lebaka ke sa yego—yego, ke sa ye go e dira. Lebaka ke sa e dire, ke ka gobane ke a Mo rata. O a nthata. Ga se modiro wa molao. Ga se se sengwe seo ke swanetšego go se dira. Ke ka gobane O šetše a ntiretše se sengwe, gomme ke Mo ratela sona. Ke lena bao.

<sup>366</sup> Kafao, ka Moya wola ka fale, wo o tshepišitšwego, “Ke mo fa Bophelo bjo bosafelelo, gomme ba ka se senyege.” A O akeditše goba a O boletše Therešo? O boletše Therešo. Kafao, le bona ka fao Le le hlathollago? Go se kgonagala go motho go wa morago ga ge a kile a tla ka go mogau. A ka se kgone. A ka wa, kgonthe, eupša e sego morago go tshokologo, morago go lefelo le go dira mediro ya kgale gapegape.

<sup>367</sup> Kafao, le kobakoba bohole go tloga tsošeletšong go ya tsošeletšong, lefelo le tee gomme morago le lengwe, a ga le bone ga la iketla? Ga la tsengwa. Bjale, ka kgonthe... O re, “Ngwanešu Branham, ga ke tsebe ge eba...” Ka kgonthe Modimo a ka se mphe bodiredi A nago, gomme a ntira ke be phošong. Gomme ge go se gwa netefatšwa ke Lengwalo, gona e tla ba phošo, eupša Lengwalo šele go e thekga.

<sup>368</sup> Kereke ga se nke ya foša lefelo... Batho ba a ya, ba tšoena kereke, ba ngangana, ba lwa, ba pharana le—le se sengwe le se sengwe, gomme ba no phela mohuta e ka ba ofe wa bophelo bja senama, “Oo, ee, ke nna Mokriste.”

<sup>369</sup> Ke kwele boipolelo lehono bja mohumagadi yo monnyane yoo a mpoditšego gore monnamogatša wa gagwe o be a kitima le monna. O ba humane, lefelo morago ga lefelo. Gomme mosadi o re, “Ke ya go go dira o tsebe, ‘Ke nna Mokriste.’” Um-hum.

<sup>370</sup> Lebelelang godimo fa go Jimmy Osborne, ntle fa a rera Lamorena mosong; gomme metantsho, rokenrole le se sengwe le se sengwe, go kgabola beke.

<sup>371</sup> Lebelelang Elvis Presley, bešene ya Judase Isikariote ya 1947, o tšoena Assemblies of God, Mopentecostal, a bolela ka maleme bakeng sa Moya wo Mokgethwa, gomme o rometše disoulo tše ntši go sotlega go feta mafelo a botagwa ohle ao a bilego mo mengwageng ye masometlhano ya go feta. O fapošitše mogopololo

wa bana ba bannyane ba matšwamahlalagading gohlegohle lefaseng, go fihla basetsana ba bannyane ba tla hlobola ditšwaro tša bona tša ka fase le go di lahlela sefaleng, gomme yena a di saene. Mahlapa kudu gore ba ka se mmontšhe mo thelebišeneng, go tloga lethekeng la gagwe go theoga, ka tsela ye mmele wa gagwe. Moya wo Mokgethwa, o bolela ka maleme, bakeng sa bohlatsa? Oo, ngwanešu, ge eba Moya wo Mokgethwa o be o le fale, O be o ka se itshware ka mokgwa wola. Le tseba bokaone go feta seo. Ka kgontha aowa. Modimo o rata bohlweki le bosekigi le go kgethega.

<sup>372</sup> Ga ke itshware go hlweka le go sekega le go kgethega go itira Mokriste nnamong. Eupša Kriste, ka go nna, o phela seo ka go nna. Gomme ke a Mo rata. Gomme ge eba ke dira e ka ba eng ya phošo, e a ntshola. Thwi fale ke tla re, “Modimo, ntshwarele.” Letšatši le lengwe le le lengwe, ke swanetše go kgopela tshwarelo, letšatši le lengwe le le lengwe. Gomme le a dira, le lena. Ka kgontha, le a dira.

<sup>373</sup> Eupša bjale ge eba o—ge eba o wa senama, o no leta morago, wa re, “Aa, gabotse, seo se lokile, ke nna wa kerek.” Le a bona? Gomme gona ge o rogaka, ke ge o se ne Tumelo yeo e kilego ya fiwa bakgethwa. Gona o dira motlae ka Woo, gomme wa O bitša, “Moya wo mobe.” O re, “Seo ke sehlopha sa bapshikologibakgethwa.” Gona, o ikaroganya wenamong magareng ga mogau le kahlolo, gona o fedile go ya go ile.

<sup>374</sup> Jesu o rile, “Lentšu le tee kgahlanong le Ona, le ka se tsoge la swarelwa ka lefaseng le goba lefaseng le le tlago.” Gomme Mokriste, a tswetšwe ke Moya, a ka se bolele bobo ka ga Ola, gobane go ka se ke. O dumelana le Ona. Yeo ke nnete.

<sup>375</sup> Ka ka baka leo batho ba leka go mpotša, gore Pilara ya Mollo fale, yeo e bonagalago fa le rena, ba leka go bolela, gore, “Yeo e be e le diabolo,” gore, “E be e no ba kanegelo,” yohle ye. Eupša khamera e netefaditše gore E be e se. Gomme mediro e letše thwi tlwa go Beibele, Pilara ya Mollo ya go swana yeo e kopanego le Paulo tseleng ya gagwe go ya Damaseko. Dilo tšohle tše tše A di dirilego morago fale, o a e dira feela tlwa ka tsela ya go swana, ka Beibele. Ke Kriste, Morwa wa Modimo.

<sup>376</sup> Gomme ge re tswetšwe gape, re ne Bophelo bjo bosafelego, gomme re ka se senyege. Go ka se kgonege go motho go wa. Seo ke se Beibele e se boletšego.

<sup>377</sup> Bjale, theetšang, šetšang se Paulo a se bolelago. Ke tla bala ka moka ga yona, le go bona ge eba seo ga se kwagale gabotse, bjale. A re yeng pele, feela motsotsotso. Temana ya 8.

*Eupša le le medišago meetlwa le tshehlo le gannwe,  
gomme le kgauswi le thogako; le pheletšo ya lona e lego  
go tšhungwa. (Yoo ke mosedumele.)*

<sup>378</sup> Bjale šetšang Paulo. “Eupša barategi, . . .” Bjale o bolela ka bona o leka go tla morago ka tlase ga molao, le a tseba, a leka

go dira mediro yohle ya molao, golebjalo ba no ba metlwae bjalo ka ge ba ka ba. Ba ne dikolobetšo le go bewa ga diatla, le dilo tšohle tše.

*Eupša, barategi, re šušumeletšwa dilo tše kaone ka lena, . . .*

Ke lena bao. Mo theetšeng bjale.

*. . . le dilo tše di felegetšago phološo, le ge—le ge ka ye rena bjalo re a bolela.*

*Gobane Modimo ga se mohlokatoko go lebala ya lena mediro le mekatano ya lerato, ye lena le e bontšhitšego go leina la gagwe, ka gore lena le diretše bakgethwa, gomme le a direla.*

<sup>379</sup> Le bona se a bolelago ka sona? Ga a bolela ka ga Bakriste ba ewa, ga go kgonege go tla morago. O bolela ka badumedi ba senama ba ba ya go go kgabola sebopego sa kaonafatšo. “Eupša,” o rile, “go lena ba ba tswetšwego gape, lena ba le lego Mokriste, barategi, re šušumeleditšwe dilo tše kaone tša lena. Ga le bolele dilo tšela. Ga le phele mohuta wola wa bophelo. Le bookegile le Kriste.”

O boletše eng morago fale? Bjale a re yeng go Bahebere 10, moo re bego re le mosong wo, gape. [Lefelo la go se be le selo godimo ga theipi—Mor.]

<sup>380</sup> Bjale a re phetleng godimo gona, gape, go Baefeso 4:30. Gomme a re hwetšeng ye, feela motsotso, gomme re šetše se se se se bolelago, go thekga se, go dira Lengwalo go sepelelana le Lengwalo. Baefeso 4, a re boneng. Baefeso 4:30. A re baleng gomme re boneng se E se bolelago. Theetšang.

*. . . le se ke la nyamiša Moya wo mokgethwa wa Modimo, . . .*

Re kolobeleditšwe bjang—bjang ka Mmeleng? Moya o tee.

*. . . le se ke la nyamiša Moya wo mokgethwa wa Modimo, wo le tswaletšwego ka wona go fihla letšatsi la topollo ya lena.*

A ke nnete? [Phuthego e re, “Amene.”—Mor.] O tswaleletšwe ka Mmeleng wa Kriste, ka kolobetšo ya Moya wo Mokgethwa, e sego go tloga tsošeletšong go ya go ye nngwe, eupša go fihlela Letšatsi la topollo ya Mmele. Ke seo o lego. Kafao, ga go tsela go wena go lahlega.

<sup>381</sup> O a tšhoga. Gomme ke ka lebaka leo o tšhogago, go tšhoga, poifo e felegetša pelaelo.

Lerato le felegetša tumelo. Ke rata Tate wa ka. Ga ke Mmoife, gobane ke a Mo rata. A ka se nkgobatše. O tla ntirela go loka. Ge nkabe ke Mo tšhoga, gomme, “Oo, ga ke tsebe ge eba O tla e dira, goba aowa.” Le a bona?

<sup>382</sup> Eupša ge eba ke Mo rata, “Ee, Tate, ke—ke a Go rata. Gomme ke a tseba O—O Tate wa ka, gomme O a nthata, gomme ga ke boife eupša se O tla boloka Lentšu la Gago. Ke tshepišo ya gago go nna.” Ke ka tsela yeo Moya wa Modimo o dirago.

<sup>383</sup> “Eupša, oo, ge nkabe ke dirile *se*, ge nkabe ke dirile *seo*.” Le a bona, fao o tla go lehlakore la semolao, gape. Se tsoge wa ya lehlakoreng la semolao. Ke nekethifi.

<sup>384</sup> Lehlakore la phosithifi ke se o se nyakago. E šetše e le modiro wo o fedilego. Kriste o hwile, gomme sebe se bolailwe ge A ehwa. Gomme ge eba Modimo a go beetšepele go Bophelo bjo Bosafelego, “Bohle Tate a Mphilego, ba tla tla go Nna.” Ke lena bao, a ka se lahlege. O šireletsegile go ya go ile. “Gobane ka Moya wo tee bohole re kolobeleditšwe Mmeleng o tee, gomme ka sehlabelo se tee O phethagaditše neng le neng.” Ke lena bao. Ga go tsela go rena go lahlegelwa. Ka go nepagala. Bjale, a ga e le dire le ikwele gabotse? [Phuthego e re, “Amene.”—Mor.]

<sup>385</sup> Bjale, o tseba bjang o Mokriste? Ge moya wa gago o kwana le Moya wa Gagwe, ge lerato la Modimo le le ka pelong ya gago, ge o ne lerato, thabo, khutšo, pelofalo, boleta, kgotlelelo, bobotse, bonolo. Ke ge o . . . Dikenywa tša Moya di latela bophelo bja gago.

<sup>386</sup> E sego ka gobane o kgona go bina ka Moya, oo, go morethetho wo wa sebjalebjale, go e pidinya go piano, go boati bja ye fa go bina ka Moya. Tšona dilo di lokile. Eupša di tšere selo ka moka godimo go lehlakore la semolao, le a bona, gomme kagona, ba tlogetše Moya wa Modimo ka morago.

<sup>387</sup> Ke ka lebaka leo, ge Modimo a thoma go iponagatša Yenamong, ba rile, “Ditšiebadimo. Ga re nyake selo go dira le Yola.” Ga ba tsebe Modimo. Ga se nke ba ke ba E bona. Ba ka se kgone go E kwešiša, gobane go ne bophelo bja go fapanaka fale. Ga a tsebe, mokgomarelakgapana ga o tsebe se korong e se dirago. Yena ke bophelo bja go fapanaka.

<sup>388</sup> Ke ka tsela yeo go lego ka Mokriste, go modumedi wa senama, moipoledi, yo a yago ntle le go ipolela, “Oo, ee, ke nna Mokriste.” Sikara se segolo ka molomong wa gagwe, boka poo ya Texas e kgomotšwego dinaka.

<sup>389</sup> Mosadi a apere dišothi, o re, “Oo, ee, ke nna moleloko wa kereke. Kgonthe, Ke yena.” Dikenywa tša gago di netefatša gore ga o selo eupša wa senama. Yeo ke nnete. Ka kgonthe, ke sona. Go ne selo se tee feela go dumelela go seo: yeo ke e ka ba tlhaelelo ya monagano goba moywa kganyogo go wena. Yeo ke nnete.

<sup>390</sup> Ge o nyaka go dira boka lefase, Beibele e rile, “Ge o rata lefase goba dilo tša lefase, lerato la Modimo ebile ga le ka go wena.” Kafao ke lena bao.

<sup>391</sup> Bjale, o re, “Oo, Beibele e boletše, gona ke swanetše go dira seo.” Aowa, yeo ga se yona. Dula fale go fihlela Kriste a go diretše

se sengwe, seo se tloša sela go wena. Gona o tswetšwe ka Moya wa Modimo. E sego se o se dirago, ke se A go diretšego. Go fihla o hwetša lerato gore o fetile lehung go ya Bophelong. Gomme gona šetša bophelo bja gago, ge eba bo—ge eba bo a hlomagana. E sego gobane o leka go dira bophelo bja gago, eupša gobane Modimo o go tliša ka taolong go Moya wo Mokgethwa. Ga se wena o itlhahlelago wenamong ka tseleng ya Modimo. Ke Modimo a go hlahlago ka tseleng ya Gagwe Mong. E sego wena o dira go hlahlala, eupša Modimo a dira go hlahlala.

<sup>392</sup> Bjale šetšang se, bjale, feela ge re etla tlase go ya bofelong. Temana ya 11.

*Gomme re hlologela gore yo mongwe le yo mongwe wa lena a bontše phišegelo ya go swana go tiisetšo ya go tlala wa yona kholofelo go ya bofelong:*

*Gore le se ke la ba dibodu, eupša balatedi ba bona bao ba ka tumelo le kgotlelelo ba abelwago tshepišo.*

<sup>393</sup> Bjale, feela tshwao e tee gape fa.

*Gobane ge Modimo a dirile tshepišo go Abraham, gobane o be a ka se ene ka yo mogolwane, o enne ka yenamong,*

*A re, Kgontha go šegofatša Ke tla go šegofatša, le go atiša, Ke tla go atiša.*

<sup>394</sup> Ge Modimo a kopane le Abraham! Bjale, Abraham o amogetše kgwerano, ntle le mabokgoni a ka ba afe le gannyane. Kgwerano e dirilwe le Abraham. Ka go felela ke mogau, gohlegohle. Abraham o be a se motho yo mokaone. E be e se motho wa bokgethwa. E be e no ba motho wa mehleng. Gomme Modimo, ka kgetho, o kgethile Abraham gobane Modimo o mo kgethile; e sego ka gobane Abraham o e nyakile, ka gobane Abraham o dirile *se*, ka gobane o be a le monna wa go loka, gobane o bile le mabokgoni a rilego le gannyane. Eupša e bile kgetho ya Modimo. Modimo o tšere Abraham.

<sup>395</sup> Lehono, boka ke boletše, ke a dumela, “Re hlaola bareri ba rena.” Re ya tikologong, ra re, “Gabotse, yo mongwe wa matikoni o tlogetše. A re hwetšeng monna yo mokaonekaone ka moagong go tsea legato la gagwe. Gabotse, modiša o tlogetše; a re hwetšeng, re ne yo mokaonekaone.” Dinako tše dingwe seo ga se sa loka.

<sup>396</sup> Ge ba hlaotše monna go tsea legato la Judase, ba hweditše monna wa go se swanele. Ba hweditše mokgomana, Mathiase, mongwadi yo mogolo, serutegi, motiplomata. Ba rile, “O tla no tsea legato ka kgontha. Saatena, o bogega boka monna wa kgontha.” Eupša e be e se kgetho ya Modimo. Gomme o tšere monna yo, gomme ga se nke a ke a direla Modimo selo.

<sup>397</sup> Eupša Modimo o tšere kgetho ya yo monnyane, wa sebefedi sa kgale sa godimo, Mojuda wa nko ya huku yola a tlago tlase fale ka sefahlego sa gagwe sohle, “Ke tla theoga. Ke tla ba golega.”

<sup>398</sup> Modimo o rile, “Ke bona se sengwe ka go yena. Ke tla mo šomiša.”

<sup>399</sup> Gomme Modimo o nno bonagala pele ga gagwe ka go Seetša sela se segolo fale. Gomme o rile, “Ke Wena mang, Morena?”

<sup>400</sup> O rile, “Ke nna Jesu. Gobaneng, go thata go wena go raga kgahlanong le seotledi. O Ntlhomareletše eng?” Ka mokgwa wola, gomme Modimo o tšere monna *yola* gomme o mo dirile yo mongwe wa banna ba bagologolo bao ba kilego ba ke ba ba gona lefaseng go tlogela go Jesu Kriste. Yola e be e le kgetho ya Modimo.

<sup>401</sup> Lehono, re leka go dira kgetho. Lena dikereke, le romela monna *yo fa*, le monna *yola fa*. Ga gwa swanelwa go dirwa ka tsela yeo. Modimo o dira go hlahlala. Ke Modimo ka go bohle, ka bohle, godimo ga bohle; e sego se tokomane tsoko ya kereke tsoko. Ke se Modimo a se boletšego ka yona, se se dirago phapano.

<sup>402</sup> Hlokamelang. Modimo o dirile tshepišo go Abraham, ntlelemabaka. Gomme bjale, emang, Abraham o be a se a swanelwa go dira selo. Modimo o rile, “Ke šetše ke e dirile.”

<sup>403</sup> Modimo o dirile tshepišo go Adama, o rile, “Adama, ge o ka se kgwathē *se*, o tla phēla go ya go ile. Eupša letšatši le o jago fao, letšatši leo o a hwa.”

<sup>404</sup> Adama o rile, “Ke no makala se mabapi le eng, golebjalo?” O ya godimo le go e eja, a tshwenyana.

<sup>405</sup> Nako ye nngwe le ye nngwe yeo Modimo a dirago . . . monna o dira kgwerano ya gagwe le Modimo, goba Modimo le motho, motho o roba karolo ya gagwe. Kafao Modimo o ile a swanelwa go dira se sengwe, gobane O bone se motho a bego a le. Gomme ba be ba beetšwepele, ba be ba kgethilwe, gomme Modimo o be a swanetše go dira se sengwe. Kafao Modimo o theogile gomme o dirile kgwerano ya Gagwe le Abraham, ntlelemabaka. Ge nkabe e be e se ntlelemabaka, Abraham a ka be a lahlegile, kgalekgale.

<sup>406</sup> Mo lebeleleng a dutše fase fale ka Gerara, a kgelogile, a bolela maaka. Gomme a efa mosadimogatša wa gagwe godimo go monna yo mongwe, go phološa letlalo la gagwe mong. A monna! A dutše ntle fale, gomme a kgelogile. Modimo o mmuditše, o rile, “O se tloge godimo fa. Dula godimo fa.” Tlala e mo kobile. O seselletše tlase go fao go bego go eya gabonolo. Le tseba se se diragalelago moisa ge a tšea tsela ye bonolo.

<sup>407</sup> O seselletše ntle, tlase fale moo bjang bo bego bo le bjo botalana. Gomme ge a fihlile tlase fale, o boditše kgoši gore mosadimogatša wa gagwe o be a le kgaetšedi ya gagwe, go phološa letlalo la gagwe mong. Bjale, ale a be a le maaka. Gomme

monna e ka ba ofe, a ka tšeago mosadimogatša wa gagwe gomme a mo fa monna yo mongwe, go phološa letlalo la gagwe! Šole o be a le, a dutše ntle fale ka tenteng ye nnyane, mokgelogi, a bolela maaka, gomme thwi go tšwa go ya gagwe... a kgaotšwe gohlogohle go tloga go tshepišo le se sengwe le se sengwe, eupša o be a sa le moprefeta wa Modimo.

<sup>408</sup> Gomme go be go ne Abimeleke, o be a le wa go loka, monna wa bokgethwa. Kgonthe, o boletše dithapelo tša gagwe bošego bjo bongwe le bjo bongwe. O hweditše koko yo, wa bogolo bja mengwaga ye lekgolo, a theogela fale, yo mobotse le yo mofsa gape. O rile, “Yola ke mosetsana ke bego ke mo letile, kafao ke no ya go mo nyala.”

<sup>409</sup> Abraham o rile, “O ka mo tšea. Yena ke kgaetšedi ya ka.”

Yena, “Yoo ke kgaetšedi wa ka.”

<sup>410</sup> Kafao o mo iša godimo fale gomme o ba le basadi ba mo hlapiše gohle le—le go apara diaparo tše botse, le go mmeakanya boka—boka mohumagatšana. Gomme o boletše dithapelo tša gagwe, a namologa mo bolaong, gomme o retolletše maoto a gagwe godimo, gomme o rile, “Gosasa, ke tla nyala mosetsana yola yo mobotse wa Mohebere, kgaetšedi ya mošemanne yola—yola ntle fale. Oo, go tla kgahliša. O Morena, O tseba ka moo ke Go ratago! Ee, mohlomphegi. Go a kgahliša!”

<sup>411</sup> Gomme Modimo o rile, “O no ba gabotse boka motho yo a hwilego.” Uh-huh!

[Ngwanešu Branham o a kgohlola—Mor.] Ntshwareleng.  
Abra-...

<sup>412</sup> Gobaneng, Abraham o be a dutše godimo fale, a aketša, a kgelogile. Gomme monna šo, wa go botega le go loka le monna wa go tshepega. “Gobaneng,” o rile, “Morena, O tseba go loka ga pelo ya ka. A ga se a mpotša, yola e be e le ‘kgaetšedi’ ya gagwe?”

<sup>413</sup> O rile, “Ke tseba go loka ga pelo ya gago. Ke ka lebaka leo Ke go bolokile go se dire sebe kgahlanong le Nna. Yeo ke nnete. Ke tseba go loka ga pelo ya gago. Eupša monnamogatša wa gagwe ke moperfeta wa Ka.” Haleluya! Oo, ge seo e se mogau, ke eng? “A kgelogile, a bolela maaka, gomme a dutše ntle fale, eupša yola o sa le moperfeta wa Ka. O ka tšeago moneelo, gomme wa ya go yena, gomme bušetša mosadi wa gagwe, goba o monna yo a hwilego. Nka se sa kwa dithapelo tša gago gape. Mo dumelele a go rapelele.” Amene. Ke lena bao. “Yola ke moperfeta wa ka.”

Bjale, le re, “Oo, ke duma nkabe ke bile Abraham.”

<sup>414</sup> “Ge re hwile ka go Kriste, re Peu ya Abraham, gomme re bajabohwa go ya ka tshepišo.” Nnete. Ke seo Beibele e se boletše. A le ka rata go E bala? Gobaneng, Beibele e boletše gore—gore tshepišo e be e se go Abraham le dipeu tša gagwe. Boka le... Abraham o bile le dipeu tše dintši, kgonthe, bana ba bantši. Isimaele o be a le ngwana wa gagwe. O bile le

bana ba šupago goba ba seswai morago ga ge Sarah a hwile, ka yo mongwe, Katura. Eupša, lebelelang, peu e be e le yo a tshepištšwego, e bego e le Isaka, gomme ka Isaka go ttile Kriste, ka Kriste go ttile rena. Tshepišo ke ntlelemabaka.

<sup>415</sup> Bjale, go reng ka Abraham? Gobaneng, a ka be a dirilwe, go ka be go se gwa kgonega go yena go tsoge a ya morago gape. Kgonthé. Go ka be go se gwa kgonega go Saulo go tsoge a ya morago gape, ge eba gore, le tla swanelo go bala Lengwalo ka tsela yeo. Le a bona? Eupša go be go se. Tshepišo ya Modimo e eme neng le neng.

<sup>416</sup> A re baleng fa feela motsotso. Ke nyaka le E bale. Ke nyaka le tle go Bagalatia 3:16, gomme le bale ye, gomme le bone bjale se tshepišo e lego, le go bona ge eba—ge eba re le tshepišo ya Gagwe goba aowa, 3:16. Theetšang fa. Go lokile. Ke ya go bala temana ya 15, le yona.

*Banešu, ke bolela ka mokgwa wa batho; Le ge e le eupša kgwerano ya motho, golebjalo ge yona e tiišeleditšwe, ga go motho a e fedišago, goba go oketsa go yona.*

*Bjale go Abraham le peu ya gagwe, peu (p, e tee, u), go peu ya gagwe tshepišo e dirilwe.*

“Go Abraham le Peu ya gagwe.” Bjale šetšang.

*Yena ga se a re, Le go tša gago dipeu (bontši), bjalo ka tše dintši; eupša bjalo ka . . . e tee, Le go peu ya gago, e lego Kriste.*

<sup>417</sup> Gona, Kriste o be a le Peu ya Abraham. “Gomme rena go hweng ka go Kriste, le go kolobetšwa ka Mmeleng wa Gagwe, re Peu ya Abraham, gomme re bajabohwa ba tshepišo.” Gona e bjang, o ya go tsoge wa wa bjang, ge Modimo a dirile tshepišo go wena? O ya go tsoge wa kgeloga bjang, le go ya kgole le go swanelo go ya heleng bakeng sa yona?

<sup>418</sup> Bjale, le re, “Gabotse, a re ka se kgeloge?” Ka go felela. Gomme ge o kgeloga, o ya go se hwetša, o se tshwenyege. Abraham o se hweditše, le ka moka ga bona ba se hweditše, gomme le tla se hwetša. Le se nagane go le fa toka go dira sebe. Ga e dire. O tla lefela go se sengwe le se sengwe seo o se dirago. O tla buna se o se bjhalago. O dira sebe se sennyane se tee gomme o tla buna pafo ka moka e tletše. Yeo ke nnete. Eupša, ngwanešu, seo ga se bolele gore o lahlegile. Yeo ke nnete tlwa. Abraham o bunne tlwa se a se bjetšego. Yeo ke nnete. Eupša o be a sa phološitšwe.

<sup>419</sup> Kgwerano yeo Modimo a e dirilego le Israele: ba lobile bohwa bja bona, ba lobile naga ya tshepišo gomme ba ile tlase ka Egepeta, eupša ga se ba loba kgwerano ya bona. Modimo o rile, “Ke gopola tshepišo ya ka go Abraham. Ke a gopola, gomme Ke theogile go hlakodiša batho ba Ka. Theogela fale, Moshe, gomme

o botše Farao, Ke rile, ‘Lesa batho ba Ka ba sepele.’ Nna ke a gopolā Ke dirile tshepišo go Abraham le go peu ya gagwe.”

<sup>420</sup> Seo ke selo sa go swana go lego ka rena. Kafao ge le hwile, gomme bophelo bjā lena bo fihlilwe ka go Modimo, ka Kriste, ga go selo ka lefaseng se ka go le kgwatha. Bjale, o ka ya gomme wa dira phošo, eupša ge ka kgonthe, ka therešo, ngwana wa Modimo, gomme o a bona o dirile phošo, o tla tsoga gomme wa leka gape. Yeo ke nnete, gomme o ka se rapalale fao.

<sup>421</sup> Eupša ge o le lefšega, ge o le mokgomarelakgapana, ge go se ne “tsoga” go wena, o tla re, “Aa, gabotse, go be go se selo go Yona, golebjalo.”

<sup>422</sup> Mmušo wa Modimo o bjalo ka monna a tšerego lokwa gomme a ile lewatleng, a le lahlela ka gare. Ge a etla, o bile le dipshinyalerago, digwagwa, dinoga, mekgaritswane, digokgo, le hlapī. Yeo ke Ebangedi ge E rerilwe.

<sup>423</sup> Boka Morena o tla botša modiredi, boka Ngwanešu Graham, “Rotogela fa. Eya go khona ye gomme o thee nakwana ye nnyane, Ngwanešu Graham.” Go lokile, o tsea lokwa la gagwe gomme o rotogela fale gomme o thoma go purutša.

“O ya kae, Ngwanešu Bill?”

“Ke ya felotsoko gape, le go lahlela go khona ye.”

<sup>424</sup> Ke a goga, “Bona šebale, Morena, O tseba se ba lego.” Ke goga lokwa gape, “Go lokile, bona šeba, Morena.”

<sup>425</sup> Bjale, pshinyaleraga e be e le pshinyaleraga, le go thoma. O no be o tantšwe ka go lokwa. Yeo ke nnete. Gomme ke ka tsela yeo batho ba tanyegago go maikutlo, “O Haleluya! Haleluya! Tumišang Morena. Letago go Modimo. Haleluya!” Ba no ba ba tantšwe ka go lokwa, ke phetho.

<sup>426</sup> Ge moyā wola wa kgale wa Pshinyaleraga o le ka go bona, ga go ye go ba kgale, ba re, “Gabotse, ke a go botša . . .” Yena šo o a ya, a gagabela morago.

<sup>427</sup> Gomme mohumagadi wa kgale Crawfish o tla re, “Eupša ke no se kgone go kwešiša Seo.” Le a bona?

<sup>428</sup> Mohumagatšana Segokgo a dutše fale nakwana ye nnyane, o ya, “tlompša, tlompša, tlompša,” thwi morago, “Gabotse, go be go se selo go Yona, golebjalo.”

<sup>429</sup> Mohumagatšana Sephente o tla re, “Oo, ke bona sehlopha sa bapshikologibakgethwa. Seo e no ba ka moka se se lego go Yona. Ke tla ya tlase moo ba nago le tlhaologanyo ye kaone go phala yela.” Gobaneng, o noga, le go thoma. Lokwa la Ebangedi le mno go tanya, ke phetho.

<sup>430</sup> Eupša hlapi e išwa tafoleng ya Mong. O be a le hlapi, le go thoma. Peu ya gagwe e be e le hlapi. O a thoma, hlapi, gomme Modimo o tsebile hlapi ya Gagwe go tloga motheong wa lefase. Haleluya!

<sup>431</sup> Elelwang, bohole ba hema meetse a leraga a go swana ntle fale. Bohole ba hema go tšwa nokaneng ya go swana. Yeo ke nnete. “Bohole re dirilwe...nwa go Leswika la semoya la go swana. Bohole ba lle mana ka lešokeng.” Kalebe le Joshua ba lle mana a go swana ao—ao ka moka ga bona ba a jelego. Gomme bohole ba wele ka lešokeng. Eupša go bile ba babedi ba kgethilwego go tshela, gomme ba tshetše. Yeo ke nnete.

<sup>432</sup> “Rena bohole re dirilwe go nwa go Mothopo wa go swana.” Eupša ga se bohole bao ba nwago ba phološwago. Bohole re dirilwe go goelela mmogo. Bohole re dirilwe go hlalala mmogo. Eupša Bakgethiwa ba phološitšwe. A le lemogile? E rile, “Meboya ye mebedi, mo matšatšing a bofelo, e tla batagana kudu go fihla e tla fora bona Bakgethiwa ge go kgonega,” *ge go kgonega*. Le a bona? Woo ke Moya wa Modimo wa kgonthe, o kgethetšwego Bophelo bjo Bosafelego.

<sup>433</sup> Bjale re a tswalela. Gona Ngwanešu Neville o tla topa moo re tlogetšego fa. Go lokile.

*Gomme ke bolela se, gore kgwerano, yeo e tišeditšwego pele ga Modimo ka go Kriste, molao, wo o bilego ye makgolonne ngwaga, mengwaga ye makgolonne le masometharo ka morago, o ka se kgone go fedisha, gore o dire tshepišo go ba lefeela.*

Yeo ke tshepišo ye Modimo a e fago Abraham, pele molao o ka tsoge wa ba gona.

*Gobane ge—ge bohwa bo le ka molao, ga bo sa le ka tshepišo: eupša Modimo o bo file go Abraham ka tshepišo.*

E sego ka selo o se dirago, e sego ka melao e ka ba efe, melao e ka ba efe ya kereke ya gago, ka go tšoena kereke, goba molao e ka ba ofe wo mongwe. Ka go felela tiro ya mogau wa Modimo, go wena. Ke lena bao.

<sup>434</sup> Šetšang.

*Kagona molao o thušang? O hlomeseditšwe ka lebaka la karogo, go fihla peu e tla tla go yo tshepišo e dirilwego;...*

A seo ga se no ba pepeneneng bjalo ka ge nko e le sefahlegong sa ka? “O hlomeseditšwe, go hlankela go fihlela Peu e tlide, e lego Kriste, go Yo tshepišo e dirilwego.”

*...gomme go beetšwe ka barongwa le ka diatleng tša mmoelanyi.*

*Bjale mmoelanyi ga se mmoelanyi wa yo motee, eupša Modimo ke yo motee.*

<sup>435</sup> Bjale, ke tlogela go tloga thwi fa, go thoma go tloga thwi fao bakeng sa Ngwanešu Neville, bakeng sa Laboraro le le tlogo.

<sup>436</sup> Bjale a le kwešiša se re se boletšego? [Phuthego e re, "Amene."—Mor.] Gore ka go felela ga go kgonege go Mokriste yo a tswetšwego gape gore...ga ke re, bjale, o *ipitša* yenamong, "motswalwagape." Ke ra, wa kgonthe, Mokriste wa go tswalwagape, go tsoge a wa go tloga go mogau, a ka se kgone go e dira. A ka wa, yeo ke nnete, eupša a ka se kgone, a ka se tsoge, a tšwa ka ntle ga mogau wola.

Abraham o wele go tloga go mogau. Nnete, o dirile. Modimo o mmoditše "go dula fale." O ile ntle ga fale, eupša ga se nke a loba kgwerano ya gagwe. O be a sa le mohlaolwa wa Modimo. O be a le moprefeta a dutše fale. Ka mehla o be a le. Ka mehla o tla ba wa Modimo.

<sup>437</sup> Bjale hlokamelang. Beibele e boletshe, gore, "Bohle ba Israele ba tla phološwa." Ke ba bakae ba tsebago seo? Beibele e rile, "Bohle ba Israele ba tla phološwa." Bjale, "Israele ga se Israele e lego ya nama, eupša Israele ya Semoya, gobane dimpho le dipitšo di ka ntle ga tshokologo." A seo ke se Beibele e se boletšego, yona temana ya go latela? Bagalatia. Go lokile. "Bohle ba Israele ba tla phološwa. Yo mongwe le yo mongwe wa bona o pholositswe." Re ba Israele bjang? "Go beng go hwa ka go Kriste, re tsea Peu ya Abraham, gomme re bajabohwa go ya ka tshepišo."

<sup>438</sup> Paulo o rile, "Se se lego ka ntle ga se Mojuda, eupša se se lego ka gare, ke Mojuda, Bona ba tshepisitswego." Gomme re Peu ya Abraham, ka tshepišo, ka Kriste, go Mo amogeleng bjalo ka Mophološi wa rena wa sebele.

<sup>439</sup> Oo, ke a holofela le a e bona. Ke a holofela le a e hwetša, ge le ka dula le Lona nakwana ye nnyane. Bjale godimo fa re fetša se, morago re thoma go Melekitsedeke, yo a tlisago ka go se gape. Re thoma thwi godimo go... Oo, E no, selo sohle se a kgahliša. Eupša re no ya pele go tseneng ka go selo sela sa lebebe.

<sup>440</sup> Bjale, le a bona, ge eba le tšere Ye fa, go bogega boka, ge le ka E bala go tšwa go tsitsinkelo... Boka mothrinitharian wa kgonthe wa go kgwahla, yo a dumelago go ne Badimo ba bararo, o mpoditše nako ye nngwe, gore, "Mateo 3 ka go felela e kwagatša gore go ne ba bararo, Batho ka batho ba bararo ka go Modimohlogo."

<sup>441</sup> Ke rile, "Ke swanetše go e bona."

<sup>442</sup> O rile, "Šetša." Ke eme thwi go tloga phuluphithing ye, o rile, "Lebelela fa, Mateo 3." O rile, "Ge Jesu a tšwile ka meetseng nako yeo, bonang, magodimo a Mmulegetše. Gomme O bone Moya wa Modimo boka leeba. Gomme Segalontšu go tšwa Legodimong se re, 'Yo ke Morwa moratwa wa Ka yo Ke kgahlwago ke yena.' Gomme go be go ne ba bararo: Morwa mo lešing; Moya wo Mokgethwa mo magareng; le Tate kua godimo."

Ke rile, "Ngwanešu, Lengwalo ga le bale seo."

"Oo, ee, le a dira."

Ke rile, “Bjale Le bale gape, hwetša ge eba Le a dira.”

<sup>443</sup> Bjale, seswantšho sa gagwe sese. Modimo šo, Morwa; Modimo šole, Tate; Modimo šo, Moya wo Mokgethwa, boka leeba. Bjale šetšang. Beibele e rile, ge Jesu a kolobetšwa, “Morwa o tšwile meetseng nako yeo, bonang, magodimo ka godimo ga Gagwe a bulegile. Gomme Segalontšu sa bolela sa . . . O bone Moya wa Modimo, Moya wa Modimo, boka leeba.” E sego Motho yo mongwe godimo *fale*, eupša Moya wa Modimo wo o be o le Leeba leo le bego le le ka godimo ga Gagwe. Gomme Segalontšu sa tla, se re, “Yo ke Morwa moratwa wa Ka, yo Ke kgahlwago go dula ka go yena.” Bjale balang Mateo 3 gomme le bone ge E sa bolele seo. Le a bona? E sego batho ba bararo, le gannyane.

<sup>444</sup> Gomme yeo ke tsela . . . Se ga se bolele gore ga go kgonege go motho go tsoge a bowa, gona, ge a kgeloga. Ga e bolele seo. Ga e bolele seo. E re, “Ga go kgonege go motho go tsoge a tla morago go mpshafatša yenamong, morago ga ge a kile a ba fale.” A ka se kgone go e dira.

<sup>445</sup> Beibele e rile, “Yo a tswetšwego ke Modimo, ga a dire sebe, gobane a ka se kgone go dira sebe. Gobane Peu ya Modimo e dula ka go yena, gomme a ka se kgone go dira sebe.” Nka bitšwa modiradibe bjang, mola go ne sehlabelo se dutše fale go tšea legato la ka? Nka hwa bjang, mola lehu ke le lefeletšwe? Nka hwa bjang, mola ke ne Bophelo bjo Bosafelego? Nka kgona bjang go e dira? O ka se kgone go e dira.

<sup>446</sup> Nka kgona bjang go ba le tumelelo ya go ngwalwa go tšwa go ratoropo wa toropokgolo ye, go kitima dimaele tše masometshela ka iri go kgabola toropokgolo ye, gomme moofisiri e ka ba ofe a nkgolega bakeng sa go kitima dimaele tše masometshela ka iri? O ka kgona go e dira bjang? Ke ne tumelelo go tšwa go ratoropo yeo e rego nka e dira. A ka se nkgolege. Go golega ga gagwe—ga gagwe, a ka letša nakana le se sengwe le se sengwe gape, gomme nka no e hlokomologa. Ga e re selo; ke ne tumelelo.

<sup>447</sup> Gomme nka kgona bjang, gona, boka morago ga ge Kriste a nkhwetše gomme ka ba toko ya Gagwe ka lebaka la mogau le lerato la Gagwe go nna? Nka kgona bjang go dira sebe, mola go ne se sengwe se letše magareng ga ka le Modimo, sehlabelo? Nka se kgone go dira sebe. Nka se kgone go e dira. Modimo ga a tsoge a mpona; O bona Kriste. O ema legatong la ka. Gomme ge ke dira eng ya phošo, Kriste o tšea legato la ka. Ke dirile boipolelo bja ka, “Ke phošo. O lokile. Morena, O tseba pelo ya ka. O tseba ge eba ke a e ra goba aowa. Gomme ke phošo. Ntshwarele.” Modimo ga a tsoge a e bona. Madi a Jesu a nkhupeditše, nako yohle. Gona Modimo a ka tsoge a mpone bjang? Sebe se ka kgona bjang go—go balelwa go nna, mola A ka se e dire? Feela ka pela ge ke e dira, e swaretšwe. [Ngwanešu Branham o thwantšha monwana wa gagwe—Mor.] Yeo ke nnate.

<sup>448</sup> Feela boka go tsea le—le lerothi le lennyane boka *le*, lerothi le lennyane la leihlo, gomme wa le tsea le tletše enke ye ntsho gomme wa le swarela godimo ga sekotlolo sa setlošadipatso, gomme wa no le rothetša ka fale, gomme morago leka go le hwetša gape. Le no fetogela go setlošadipatso. Enke e fetoga setlošadipatso. Gomme seo ke se, dibe tša gago di ipoletšwego, ge o le ka go Kriste. Magareng ga gago le Modimo ke pafo ka moka ya setlošadipatso, gomme sebe sa gago se ba toko gobane Sehlabelo sa go loka se letile fale bakeng sa gago.

Ge ke etla nokeng mafelong a letšatši,  
Gomme diphefo tša mafelelo tša manyami di  
fokile;  
Go ne kgopolو e tee yeo e ntlhalatšago le go  
dira pelo ya ka e thakgale,  
Ga ke a swanela go tshela Jorodane ke nnoši.

<sup>449</sup> Seo ke selo se tee sa go loka. Seo ke selo se tee sa go loka. Nka se swanele go e tshela. Le lengwe la matšatši a, re theogela bofelong bja tsela. Letšatši le tla gana go hlaba, nako yeo Modimo o tla bitša.

<sup>450</sup> Adama o tla obeletša godimo le go šikinya Efa, gomme a re, “Hani, yona še. Ke nako go phafoga.”

<sup>451</sup> Efa o tla obeletša godimo gomme a swara Abele, a re, “Etla pele, rato. Ke nako go phafoga.” Abele o tla swara Sethe. Gomme Sethe o tla swara Noage. Noage a swara . . . Oo, pele go theoga, pele go theogela go Abraham, le go theoga ge ba etla. Go tla ba go šikinya le go phafoga go gogolo ge Morwa wa Modimo a etla. Re tla ema ka go swaneng ga Gagwe mo letšatšing leo.

<sup>452</sup> Bjale, ge o dira sebe fa, o ya go lefa bakeng sa sona. Nna ke . . .

<sup>453</sup> Go no ya pele go etla ka monaganong wa ka, ke no swanela go e bolela. Ke lekile go e timola, makga a mane goba a mahlano. Ke swanetše go e bolela. Ke ba bakae ba elelwago ngwanešu yo, modiša, yola a bego a fela a le godimo fa go church of God? Ngwanešu, thwi godimo fa, leina la gagwe e be e le mang? O šometše Vorgang tlase fale. Oo, bohle le . . . First church of God, thwi fa mo khoneng. Goba, o be a fela a rekiša tša Rawleigh mo nakong ya tla—tla tlala. Kgonthe wa bomodimo, monna yo mokgethwa. Ngwanešu Smith o tšere legato la gagwe godimo fale. Ke tla bitša leina la gagwe mo metsotsong e se mekae. O be a le monna wa Modimo a phološitšwego.

<sup>454</sup> Elelwang, ge o sa sepele go ya ka go phaollwa, gomme o dira se sengwe sa phošo bjalo ka Mokriste, Modimo o tla go sebotša. Gomme gona ge o sa tsee tshebotšo, O tla no go tloša go tloga lefaseng thwi. Seo ke se A se dirilego.

<sup>455</sup> Le a elelwa, ka Beibeleng? Lebelelang kereke yela ya Korinthe. O ba boditše se ba bego ba le sona, ka boemo, ka go

Kriste. Eupša o ba seboditše ka se se bego se tlo direga. Gomme ba iphošollotše bonabeng, ba otlolloga, le Modimo.

<sup>456</sup> Gomme ngwanešu yo monnyane yo, o be a le ngwanešu yo monnyane wa go kgahliša, ke a dumela, Monna wa go phološwa ke Modimo. Gomme o mo hweleditše mošomo tlase fa go...ga Vorgang. Ge eba ba bangwe ba batho ba gabon ba dutše fa, ke a holofela ga le nagane gore ke... Ga ke le tsebe ge eba le dutše fa. Eupša, Ramsey, Ngwanešu Ramsey, ke ba bakae ba elelwago Ngwanešu Ramsey godimo fa ka go Church of God? Kgonthe, le a dira, monna yo monnyane wa go kgahliša. Gomme o be a fela a etla ntlong ya ka gomme re be re tla bolela mmogo, gomme re tla dula fale le go lla gomme ra swarana diatla tša rena; Mokriste wa kgonthe.

<sup>457</sup> Letšatši le lengwe ke ile ka go yona tlase fale, ke sa tšwa mošwamawatle kopanong, ke bile le koloi ya ka go hlolwa, Ngwanešu Ramsey o rile, "Nka go direlang, Billy?"

<sup>458</sup> Ke rile, "E hlolle, Ngwanešu Ramsey. Fetola oli."

<sup>459</sup> "Okhei," o rile, "gabotse, go lokile." O rile, "O ne kopano ye botse?"

<sup>460</sup> Ke rile, "Oo, Ngwanešu Ramsey, e be e kgahliša." Ke rile, "Ke duma o ka ya le nna nako ye nngwe. Gobaneng o sa ye le nna?"

O rile, "Ga ke sa hlankela Morena gape, Billy."

Ke lebeletše tikologong, ke rile, "O be o reng?"

<sup>461</sup> O no ba mokgwa wa go re, "Ga ke sa Mo hlankela gape," a sepela.

<sup>462</sup> Ke naganne, "Oo, o no ba a eya." Ke ile pele, ke ile felotsoko.

<sup>463</sup> Ke boile gomme ke tsene ka koloing ya ka. Ke tla gae, gomme ke thoma go nagana ka yona, "Ga ke sa hlankela Morena gape."

<sup>464</sup> Morena o e beile pelong ya ka go ya morago le go mmotsiša gape. Kafao, ke rile, "Meda, no swara gannyane."

<sup>465</sup> Gomme ke tsene, gomme ke tsene koloing ya ka gomme ke ile morago tlase, ke eme gape, ke ile ka ga Vorgang. Ke rile, "Ngwanešu Ramsey, ke nyaka go go botšiša potšišo."

O rile, "Go lokile, Billy, ke eng?"

Ke rile, "O rile, nakwana ya go feta, ga o sa hlankela Morena gape. O be o no nthalokiša, o be o sa?"

O rile, "Aowa."

Ke rile, "Ngwanešu Ramsey, ga—ga o re seo."

O rile, "Ee."

Ke rile, "A ga o Mo rate?"

O rile, "Ge nkabe ke Mo ratile, nka be ke Mo hlankela. A ke be nka se, Billy?" a sepela.

Ke naganne. "E re, Ngwanešu Ramsey!"

O rile, “Ga ke nyake go bolela ka yona gape.”

<sup>466</sup> Ke ile gae, ke tsene kamoreng, ke tswaletše lebati. Gomme, oo, le tseba ka fao le ikwelago boima ka kgonth, boka o amogile lesea kuku goba se sengwe, le a tseba. Ke—ke naganne, “Eng? E ka se be. Ka kgonth se sengwe se diragaletše Ngwanešu Ramsey.”

<sup>467</sup> Gomme go ne mošemané yo monnyane wa lekhalate, a bitšwago Jimmy, o tla kerekeng fa. O ne leoto le tee, le a tseba; o a hlotša, mokgwa wa. Ke lebetše leina la gagwe, o šoma tlase fale ga Vorgang, o šomiša sepanere. O kopane le nna, gomme o rile, “O a tseba, Mor. Branham,” o rile, “Ga ke tsebe ka ga yo fa Ngak. Ramsey tikologong fa.” O rile, “Ke mmoditše, letšatši le lengwe, o rile, ‘Bohle re be boifa ebile go ahlamiša molomo tikologong fa.’ O rile, ‘O be o le monna wa bomodimo.’ Eupša,” o rile, “O tšere laesense ya gagwe ya boreri gomme o ile godimo go serotwana gomme o di kgeitše, gomme o di lahletše ka serotwaneng, o rile, ‘Ga ke nyake selo go dira le yona gape.’”

O rile, “Hei, morena!” O rile, “Ga wa swanelá go dira selo.”

O rile, “Oo, Jim, ke feditše go direleng Morena.”

Kafao o ile pele, o rile, “Ga o re seo.”

<sup>468</sup> Gomme o rile, “Morago o mpoditše, o rile o tla fase go fefa dibelefé tša gagwe Ka Letšatši la Bašomi,” ke a dumela e be e le. “Gomme o rile, ‘Bjale, ke nyaka o tle go nthuša, Jim.’”

<sup>469</sup> O rile, “Ke tla go thuša morago ga ge ke etšwa kerekeng, eupša sa pele ke ya kerekeng.”

<sup>470</sup> O rile o ile morago tlase, “Gomme Mna. Ramsey o be a fefa dibelefé koloing ya gagwe. O rile, ‘Jimmy, ngwegela mošola wa noka. Dipoto di tswaletše fa. Ngwegela mošola wa noka gomme o nkhweletše kheisi ya piri.’”

<sup>471</sup> O rile, “Mna. Ramsey, ke bile molato wa dilo tše dintši, eupša nka se tsoge ke bile molato go hweletšeng mohlanka wa Morena kheisi ya piri.” O rile, “Aowa, mohlomphegi. Nka se tsoge ka dira seo.”

<sup>472</sup> Gomme o rile, “Gabotse, eya. E hwetše, Jim.”

<sup>473</sup> O rile, “Mna. Ramsey, ke fefa dibelefé tša gago. Eupša ge o hwetša piri e ka ba efe, o ya go ikhweletša yona wenamong.” O rile, “Ga ke ye go tsoge ka hweletša mohlanka wa Morena e ka ba eng boka yeo.”

<sup>474</sup> Kafao Ramsey o tabogetše ka koloing ya Jim, o ile mošola wa noka; a bowa, a swere mahlo a tšhipa, ka kheisi ya piri, a e enwa.

<sup>475</sup> O thomile go ya tlase, gomme o lwetše. Le a bona? Modimo o be a sa kgone go bolela le yena. Ke mo seboditše, ke dirile se sengwe le se sengwe ke kgonnego. Ngwanešu Smith o ile go yena gomme o mo seboditše. Yo mongwe le yo mongwe o lekile go dira se sengwe le se sengwe ba kgonnego bakeng sa gagwe.

Go le bjalo, o nno šikinya hlogo ya gagwe. Go diregile eng? O ile a babja gomme a hwa. Seo se bontšitše gore o be a le motho yo a phološitšwego. Ge Modimo a se a kgona go mo dira... go mo tliša go obameleng, O tla swanela go mo tloša lefaseng le go mo tliša Gae. Seo ke tlwa se Beibele e se boletšego. Seo ke se Beibele e se tshepišago. Ge o sa kgone go emela go swaollwa, o swanetše go tla Gae.

<sup>476</sup> Kafao Modimo a ka lahlegelwe ke wena morago ga ge A go phološitše, eupša A ka kopanafatša matšatši a gago fa, le go go dira o lefe bakeng sa sebe se sengwe le se sengwe o se dirilego. Kafao, ge o dira sebe, o ya go swanela go lefa bakeng sa se o se dirilego. E no elelwa seo.

<sup>477</sup> Bjale, bjale Morena a beng le lena. Ke a dumela, bošegong bjo, gore Ngwanešu Ramsey o be a phološitšwe. Ka phethagalo, ke dumela seo. Eupša o nno se obamele Modimo, gomme ge a sa obamele Modimo, Modimo o ile a swanela go mo tliša gae. Ke selo se nnoši go dira, ka gobaneng, e be e le eng? "O tla tliša kgobogo le bogoboga go Madi ao a hlatswitšwego ka ona." A ke nnete? "Gomme a bala kgwerano selo sa go se hlweke," ge eba seo e no ba tlwa se lengwalo le la Bahebere le se boletšego. Le a bona? Go ka se kgonagale go yena go lahlega, eupša o tla tliša dihlong le bogoboga, kafao Modimo o tla swanela go mo tloša lefaseng gomme a mo tliša Gae. Seo ke tlwa se se diregilego.

Bjale anke Morena a šegofatše, ge re sa inamiša dihlogo tša rena feela nakwana bakeng sa thapelo.

<sup>478</sup> Bjale, Tate yo mokgethwa kudu le wa mogau, ka kganthe re a Go leboga bakeng sa tshepišo re nago nayo, gore O ka se tsoge wa re tlogela goba go re šikologa. O tshepišitše O tla ya le rena go kgabola bophelo, le ka lehung O tla ba hleng le rena. O re tshepišitše gore re bile le Bophelo bjo Bosafelego. O re file Bjona ntile le tefo. Re ka se tsoge ra lahlegelwa ke Bjona. "Bohle bao ba tlago go Nna, ba ne Bophelo bjo Bosafelego." Gomme ge eba ke Bophelo bjo Bosafelego, ga Bo ne bofelo, gomme O tshepišitše go re tsoša mo letšatšing la mafelelo. Go se re a leboga. Re a leboga gore Lentšu la Gago le re ruta se. Le re fa kholofelo ya kgonthe. Le re dira go tseba gore Tate wa rena ke Lerato. O a re rata, gomme O re kgethile. O rile, "Ga se le Nkgethe, eupša Ke kgethile lena le go le beela." Gomme ke a Go leboga, Tate, gore O dirile bjalo. Gomme ba bantši ba dutše fa, bošegong bjo, gomme ba ba beetšwego go Bophelo bjo Bosafelego, gomme ba amogetše Jesu Kriste bjalo ka Mophološi wa bona wa sebele. Gomme dikenywa tša Moya di latela bophelo bja bona: boleta, bonolo, boikokobetšo, lerato, thabo, khutšo, pelofalo, bobotse. Re leboga bakeng sa tšeо.

<sup>479</sup> Gomme re a rapela, Tate, gore ge go ka ba ba bangwe ka fa, bošegong bjo, ba ba sa tsebego dikenywa tšela go ba felegetša, eupša ba khutšitše godimo ga mantladima tsoko, gobane ba

itirišitše, letšatši le lengwe, gobane ba bile le maikutlo, ba ikwetše gabotse, ba ka be ba ile ba goelela, ba ka be ba ile ba dira dilo tše dintši. Eupsa, Tate, ge ba se ne kenywa ya Moya, yeo e ba bolokago tšatši ka tšatši leratong la kgafetša, go swarela manaba a bona, go lokišeng diphošo tša bona, le go phela go khutša le go rateng, le bose le botho seng sa bona, le phišegelo bakeng sa Kereke, lerato bakeng sa Kriste le bakeng sa bana ba Gagwe, O Modimo wa Gosafelego, ba swarele. Le ge ba le maleloko a kereke, maleloko a mmele wa selefase, anke ba ye bjale le go beela ka thoko yela ya senama, mediro ya go hwa, gomme ba gatelele pele phethagalang. E fe, Morena. Anke ba tle go Yena wa go phethagala gomme ba Mo amogebe bjalo ka seloba sa bona bakeng sa dibe tša bona, gore A ke a eme bjalo ka sehlabelo se se phethagetšego bakeng sa monna wa molato le mosadi wa molato. Gomme a ba neele ka mogau lerato le khutšo ya Gagwe, go fihlela ba etla ka Bogeneng bja Modimo go phela go ya go ile. E fe, Tate.

Ge re sa inamišitše dihlogo tša rena:

<sup>480</sup> Ge eba go ka ba yo bjalo yoo a ka ratago go fetoša bophelo bja senama bja ditaelo, bja dikolobetšo, bja maikutlo, bja dilo tše nnyane tša senama boka tše, bakeng sa pelo ya kgonth e tletšego ka lerato la kgonth, gore—gore o ka sepelela godimo go lenaba la gago le legologolo, wa bea matsogo a gago go mo dikologa gomme wa re, “Ngwanešu, ke tla go rapediša. Ke a go rata.” Ge eba o ka rata go fetolela boitemogelo bjoo bja dilo tša senama bakeng sa boitemogelo bja kgonth bja lerato, a o ka phagamišetša seatla sa gago go Modimo? Gomme wa re, “Modimo, ntšee bošengong bjo, gomme o ntire se ke swanetšego go ba.” Ke tla go rapediša, thwi go tloga phuluphithing fa. A o ka hlologela thapelo? Phagamišang diatla tša lena.

<sup>481</sup> Modimo a go šegofatše morago fale, mohlomphegi. Modimo a go šegofatše, ngwanešu. Yo mongwe gape? Modimo a go šegofatše, mohlomphegi. “Ke bile ka kerekeng lebaka la mengwaga.” Modimo a go šegofatše, mohlomphegi. Modimo a go šegofatše, ngwanešu. Modimo a go šegofatše morago fale, mohumagadi yo monnyane. “Ke tla kgopela Modimo go ntira wa khutšo.” A o . . . A o a bela ka kgonth? A o tšwile ka mokgwa wo mongwe? A o a belaela? A o a tšokatšoka? A o makala ge eba ka kgonth Ke nnete goba aowa? Ge o etla go Kriste, a o tla ka tiišetšo ya go tlala, pelo e tletšego ka lerato? A o sepelela go Yena ntle le poifo, o re, “Ke a tseba Yena ke Tate wa ka”?

<sup>482</sup> Gomme ga go go lahlwa, o tshetše go tloga lehung go ya Bophelong. Le a e tseba. Gomme o lemoga bophelo bja gago: o a rata, o a swarela, o yo boleta, o wa khutšo, o yo bonolo. Dikenywa tšohle tše tša Moya di felegetša bophelo bja gago, tšatši ka tšatši. Gomme ka pela ge o dira e ka ba eng ya phošo, “Oo, nna.” Feela ka pela ge e etla monaganong wa gago, “o dirile phošo,” ka pejana o a e lokiša, thwi nako yeo. Se lete motsotswo wo mongwe, eya thwi nako yeo gomme o e lokiše. Ge o sa dire, gabotse, ga o

ne Moya wa Kriste. O ka no ba mosadi wa go loka, o ka no ba monna wa go loka, o ka no be o naganelwa gabotse ka kerekeng, o ka no be o naganelwa gabotse ka boagišaneng, eupša a o ile go phethagalo yela, go lefelo lela go moo ka go felela o tshepetšego ka go Kriste? Gomme ka se, sa go fa leswao. “Abraham o dumetše Modimo, gomme go baletšwe go yena bakeng sa toko. Morago Modimo o mo file leswao la lebollo, bjalo ka tiisetšo.”

<sup>483</sup> Bjale o re, “Ke dumela Modimo. Ke dirile boipolelo.” Eupša a Modimo o go file leswao la Moya wo Mokgethwa, morago bophelong bja gago, la lerato, thabo, dikenya tša Moya, go netefatša gore o phološitšwe? Ge eba A se a dira seo, gona ga se ešo A lemoga tumelo ya gago. O dirile boipolelo. Ga se A bo amogela, go ne se sengwe sa phošo. A o ka rata go Mo amogela, gona? Phagamiša seatla sa gago, ge eba go ne yo mongwe, pele re rapela.

<sup>484</sup> Modimo a go šegofatše, mohumagadi yo moswa. Modimo a go šegofatše morago fao, le wena. Modimo a go šegofatše. Go lokile. Yo mongwe gape, feela pele re rapela? Go lokile. Modimo a go šegofatše, morago fao, kgaetšedi. Modimo a go šegofatše, ngwanešu. Modimo a go šegofatše, ngwanešu. Modimo a go šegofatše, ngwanešu wa ka. Yeo ke nnete. Tše rilego tše lesome, diatla tše lesometlhano di ile godimo.

Bjale a re rapeleng.

<sup>485</sup> Morena wa go šegofala, mo setulong sa bona, ba hwetša aletara. Ke setulo sa bona, moo ba dutšego bjale, gore O boletše le dipelo tša bona, gore ba be ba le “phošo.” Ke mo ditulong tša bona moo O beilego tlhologelo ka pelong ya bona, gore ba “hlologele go swana le Wena kudu.”

<sup>486</sup> Ba nyaka bophelo bja bona bo fetolwe. Ba nyaka go ba bonolo le go kokobela. Ba nyaka go ba boleta le go tlala ka kgotlelelo. Ba nyaka go pelofala, go swarela. Ba nyaka go ba boka Mokriste kudu, boka Kriste kudu, go fihla lefase le tla bolela, ge ba theoga mokgotha, “Monna yola ka kgonthe ke Mokriste. Mosadi yola ka kgonthe ke Mokriste. Oo, ke batho ba boleta kudu, ba bonolonolo, batho ba ba bosebose!”

<sup>487</sup> E fe, Morena, gore ba tla amogela boitemogelo bjoo, bošegong bjo. Gomme anke ba se tsoge ba ikema ka bokgoni bja kereke ya bona, go boingwadišo bja bona le kereke e ka ba efe, kerekeleina e ka ba efe; goba ga ešita go maikutlo a bona, go maipshino a rilego, bjalo ka maikutlo, se sengwe seo se diregilego; anke ba goelele, ba boletše ka maleme, goba se sengwe gape.

<sup>488</sup> O Modimo wa Gosafelego, anke ba se leke go tshepela go tla Legodimong ka seo, gobane re se bone makga a mantši se palelwa wa go šokiša. Gomme O rile se tla palelwa, “Ge eba ke maleme, a tla kgaotša! Moo go lego seprofeto, se tla nyamalala. Moo go lego tsebo, e tla nyamalala. Oo, moo dilo tšohle di lego, ebile le

dimpho, mehlolo ya phodišo, tšohle di tla fedišwa. Ke lerato lela le Lekgethwa le nnoši le tla emago.”

<sup>489</sup> Modimo, hlola leo ka pelong ya bona, gomme anke ba tsebe gore woo ke Moya woo o tšweletšago dikenywa. E dire feela bjale, Morena, ge re sa Go letile, gobane re e kgopela Leineng la Jesu. Amene.

<sup>490</sup> [Ga go selo go theipi—Mor.] Dikgwéle tša mollo di fofa, le go bona maebarope a eya morago le pele go kgabola moago, go bona Kriste a tsena ka mebetlwa diatleng tša Gagwe, le go ya Gagwe... Oo, a le be le tseba ke peakanyo ya molwalekriste? O rile, “Ge dilo tše di thoma go direga, gona lebelelang godimo, topollo ya lena e batamela kgauswi.” Gona ke ka lebaka leo ke ratago go gatelela motsotso wo mongwe le wo mongwe ke kgonago go kereke, le go ba go tia. Ngwaneshu Neville a ka no se be le rena ka mehla. Ke dumela Ngwaneshu Neville go ba wa go loka, morutiši wa hlwahlwa wa Ebangedi. Ga re tsebe ke eng e tla tlago ka go phuluphithi ye, gomme, ge e fihla fa, “Dinku tša Ka di tseba Segalontšu sa Ka.” Dulang le Lentšu. Le se tsoge la tlogela Lentšu lela. Le duleng le Lona. Le ema go tiiša ka tokologong moo Kriste a le lokolotšego. Le se itatetše ka go dijoki tša bokgoba le go ya pele. Emang go tiiša, gomme le eme le lokologile. Modimo o tla le šegofatša. Ga re ne selo ka lefaseng go se boifa.

<sup>491</sup> Ka mehla le a makala. Ke lemoga batho ba etla go rapelelwa, ba tla tla ka mothalong. Nako ya go latela ba bona lesolo la phodišo, ba tla ya ka mothalong *wo*, ba tla ya ka mothalong *wo*. Ga ke ba sole. Ba leka go hwetša kimollo, eupša ba ya ka tsela ya phošo. Le e dira go phethoga, se Modimo a rilego le se ke la se dira. Le a bona? Ge le sepela ka sebete go ya go Terone ya mogau, gomme le dumela, gore, “Le kgopetše, le tla amogela.” Dula le Lona. Ke ka tsela ye e dirwago; e sego go theta go tloga mišining go ya mišining, go tloga kerekeng go ya kerekeng, go tloga lesolong go ya lesolong.

<sup>492</sup> Gobaneng, ba dirile masolo a a phodišo boka sehlopha sa ditsiebadimo. Ka nnete, ba dirile. Go fetogile go lefelo moo, batho ba bohlale, ba lebelela gohle gomme ba makala go mabapi le eng. Fao, Modimo ga a nyake dilo tše. Phodišo ga ya swanela go ba ka masolong. Phodišo e swanetše go ba ka kerekeng ye nngwe le ye nngwe ya selegae, dimpho tšohle tše di šoma. Eupša le se ye peung ka dimpho tše. Se iše šedi efe go mpho. Ge Modimo a nyaka go go šomišetša se sengwe, O tla e dira. Eupša, lebelela Mofi.

<sup>493</sup> Martin Luther, o kile ka morago ga go bolela ka maleme, o ile a botšišwa gobaneng a se a e rere, o rile, “Ge nka rera yeo, batho ba ka ba tla šala mpho morago go e na le Mofi.” Yeo ke nnete.

<sup>494</sup> Moody, nako ye nngwe, a bolela, gomme a thoma, ge a be a rera bjalo ka tlase ga tšhušumetšo, o boletše ka maleme. O rile,

“Modimo, ntshwarele go boleleng mantšu a bošilo.” Ka nnete. Le a bona? Gomme ba bile le dilo tšela. Re dumela dilo tšela, eupša di swanetše go bewa lefelong la tšona. Gomme ga tša swanelo go bewa bjalo ka mabohlatse.

<sup>495</sup> Ga se gona se šetšego ka Beibeleng, bjalo ka “bohlatse bja Moya wo Mokgethwa,” ke feelsa dikenywa tša Moya. Hwetsa lefelo e ka ba lefe moo Jesu a boletšego bjalo. Ee, mohlomphegi. Bohlatse bja Moya wo Mokgethwa ke kenywa ya Moya. Jesu o boletše bjalo, “Le tla ba tseba ka kenywa ya bona.” “Gomme kenywa ya Moya ke lerato, thabo, khutšo, pelofalo, bobotse, khutšo, boleta, bonolo. Gomme kenywa ya lenaba ke bonaba, lehloyo, kgalefo, tshele, le go ya pele; tseo ke kenywa ya lenaba.” Kafao, o ka kgona go ahlola ka tsela ye o phelago, moo o emego le Modimo. Ge pelo ya gago ka moka e ratana le Yena, gomme o Mora gomme o le boleta, gomme o phela le Yena tšatši ka tšatši, o a tseba o fetile go tloga lehung go ya Bophelong. Ge eba go se, gomme o le ka mokgwa wo mongwe, o no be o ekiša Mokriste. Yeo ke nnete. E lego, dikekiko ka moka tša senama ka kgontha di tla senolwa. Re tseba seo.

<sup>496</sup> Kafao, o se phele mohuta wola wa bophelo, ga wa swanelo. Gobaneng o ka amogela kemedi, mola mafaufa ka moka godimo a tletše ka ye botse le ya kgontha? Ka nnete. Anke ke tsee Modimo, ke seo ke se nyakago. Amene.

<sup>497</sup> Bjale, a go ne yo a tlilego go rapelelwa? Ge eba o dirile, phagamiša seatla sa gago. Re bile le tirelo ya phodišo mosong wo. Ke a kamaka gona . . . Mohumagadi yo fa? Go lokile, kgaetsedi, a o ka tla pele gona? Gomme ngwanešu wa rena, mogolo, fa, etla bjale bakeng sa slotšo.

[Lefelo la go se be le selo godimo ga  
theipi—Mor.]  
...phadima godimo ga ka;  
Oo, phadima godimo ga ka, Morena, phadima  
godimo ga ka,  
Anke Seetša go tšwa ntlongseetša se phadime  
godimo ga ka.

<sup>498</sup> A ga A makatše? A re no inamišang dihlogo tša rena, ka setu ka kgontha bjale. Gomme, *Phadima Godimo Ga Ka*, gape. Bjale, etla pele bjale, yo mongwe le yo mongwe, gore “Phadima . . .” Nno Mo tumiša ka soulong ya gago bjale, o a bona, go ba setu. Tirelo ya phodišo e a tla. Molaetša o fedile. A re tumišeng.

Anke Seetša go tšwa ntlongseetša se phadime  
godimo ga ka;  
Oo, phadima godimo ga ka, Morena, phadima  
godimo ga ka.  
Anke Seetša go tšwa ntlongseetša se phadime  
godimo ga ka.

Feeła go ba boka Jesu, go ba boka Jesu,  
 Oo, mo lefaseng ke duma go ba boka Yena;  
 Gohle go kgabola leeto la bophelo go tloga  
 lefaseng go ya Letagong,  
 Ke kgopela feela go swana le Yena.

Re tla sepela ka Seetšeng, Seetša se sebotse  
 bjalo,  
 Go tšwa mo marothi a phoka a kgaogelo a  
 kganyago;  
 Phadima gohle go re dikologa, mosegare le  
 bošego,  
 Jesu, Seetša sa lefase.

Lena bohle bakgethwa ba Seetša kwagatšang,  
 Jesu, Seetša sa lefase,  
 Gona dipele tša Legodimo di tla lla,  
 Jesu, Seetša sa . . .

Re amogele, Morena, ge re Go tumiša.

Re tla sepela Seetšeng, Seetšeng se sebotse,  
 Go tšwa mo marothi a phoka a kgaogelo a  
 kganyago;  
 Phadima ka moka go re dikologa mosegare le  
 bošego,  
 Jesu Seetša sa lefase.

<sup>499</sup> A ga le no rata go kolomakwa gola? Le ikwela gabotse?  
 Phagamiša seatla sa gago, bolela. Go ne se sengwe ka ga dipina  
 tšela tša fešene ya kgale, difela tša nako ya kgale, bokaone ke  
 be le tšona go phala dipina tšohle tše dimpsha di tsentšhitšwe,  
 gomme ka dikerekeng tša Bakriste. Ke rata tšela tša nako ya  
 kgale, ke a rata.

Jesu, mpoloke kgauswi le sefapano, (Nna!)  
 Moo mothopo wa bohlokwa,  
 Mahala go ka moka, moela wa phodišo,  
 O elela go tšwa mothopong wa Khalibari.

Ka sefapanong, ka sefapanong,  
 Oo, eba letago la ka go ya go ile;  
 Go fihla ya go hlatlošwa soulo ya ka e tla  
 hwetša  
 Khutšo mošola wa noka.

<sup>500</sup> Nka tšwa lefaseng gabotse gabonolo ge yeo e opelwa. A le  
 ka? [Phuthego e re, "Amene."—Mor.] Go makatša bjang! A yohle  
 e lefetšwe? Le a tseba, ke thakgetše ke šetše ke e lefetše. A ga la?  
 ["Amene."] Sekoloto sa kgale se lefetšwe sohle, kgalekgale kudu.  
 Ke Mmoditše, "Morena, ga ke nyake bothata go tlase kua nokeng.  
 Ke—ke nyaka go ba kgonthe bjale." Ke nyaka go Mo tseba. Ke  
 nyaka go Mo tseba.

<sup>501</sup> Go ne wo mogolo, molete wa leswiswi o beilwe pele ga yo mongwe le yo mongwe wa rena. Re lebile tseleng yeo. Nako ye nngwe le ye nngwe dipelo tša rena di rethetha, re kgauswana le kgauswana. Eupša ge ke fihla fale, ga ke nyake go tswinya boka lefšega, ke nyaka go ipotoka nnamong ka dikobong tša toko ya Gagwe, ke tsene ka go yona, ke tseba se, gore, “Ke Mo tseba mo maatleng a tsogo ya Gagwe.” Gore, ge A bitša, ke tla tšwa magareng ga bahu. Ya ka . . .

<sup>502</sup> *Tumelo Ya Ka E Lebelela Go Wena*, a re e opeleng bjale.

Tumelo ya ka e lebelela go Wena,  
Wena Kwana ya Khalibari,  
O Mophološi yo Mokgethwa.  
Bjale nkwe ge ke rapela,  
Tšea ka moka dibe tša ka,  
Goba o se tsoge wa ntumelela go fapoga  
Go tloga go Wena go ya thoko.

<sup>503</sup> Bjale, Morutiši yo mogolo, boka O re rutile ka go Lentšu la Gago la go kgahliša kudu, dipelo tša rena di no roromela, ka mogau wa tlhatlogo, go tseba gore re fetile lehung go ya Bophelong. Yohle ke ka bobotse bja Morena Jesu wa rena, Yo a re biditšego, gomme a re hlatswitšego Mading a Gagwe, gomme o re tlišitše pele ga Terone ya Modimo, go se bošaedi, go se bosodi, gobane O tsere dibe tša rena. Ga re ne sebe. “Modimo o beile bokgopo bja rena godimo ga Gagwe, gomme O gobaditšwe bakeng sa diphapogo tša rena.” Oo, re Mo rata bjang, Kwana ye kgolo ya Modimo!

<sup>504</sup> Gomme re a rapela, Tate, gore O tla re fa polelo, tlhagišo, gore re kgone go botša ba bangwe; gore ba ke ba Mo tsebe, le bona, le go Mo rata, gobane O a ba rata. Re fe mogau wo.

Gomme ke a Go leboga, Tate, bakeng sa masea a maswa a sa tšogo tswalwa ao a sa tlago ka Mmušong wa Modimo. Anke ba hwetše kerekere legae ye kaone felotsoko, gomme fao ba Go hlankele go fihla lehu le ba lokolla go tšwa mmeleng wo wa kgale wo wa dinyalo le mahloko, gomme o ba tliše pele ga Gagwe, ntle le bošaedi, ntle le bosodi, mo lebakeng le le tlago, ka Bophelo bjo Bosafelego. Ka gore re e kgopela Leineng la Gagwe. Amene. 

*BAHEBERE, TEMA YA BOSELELA* <sup>2</sup> NST57-0908E  
(Hebrews, Chapter Six <sup>2</sup>)  
SERISI YA PUKU YA BAHEBERE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Setemere 8, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)